

## Celebracion completo di 18 di maart



**ORANJESTAD** – Aruba henter a celebra su dia nacional den union y alegria. For di desfile protocolar dilanti edificio gubernamental pa diferente actividad popular di entretenimento como tambe deportivo tur rond di nos isla.

Les a e detayenan riba pagina A2, A3 y B9

## APA kier sinta cu gobierno pa haya placa pa inverti den waf



**ORANJESTAD** -- Segun director di Aruba Ports Authority, Jossy Figaroa, si e fondo di APA no ta suficiente, tin cu bay wak cu gobierno con pa bay inverti den e añanan cu ta bin. Gobierno kier bay drecha e waf pero Aruba mester ta prepara pe barconan Mega. Barconan grandi kier bin Aruba, pero nos waf no ta prepara nan.

Pagina A5

## Weekend cu derame di sanger na Corsou



**WILLEMSTAD** -- Corsou a wordo sacudi pa un dobel asesinato. Ta trata di un personahe conoci den farandula cu a fayece despues di un atentado ariba su bida dialuna anochi, como tambe e curpanan sin bida cu a wordo haya di dos hoben dialuna mainta canto di un mondi riba caminda pa Bullenbaai.

Pagina A21



Bo cadena di numbernan di suerte ta duna e number di awe

Sorteo di 17 Maart 2014



05 17 27  
29 35 22 A



2 2 3 9

Signo : Capricornio



4 5 2 1



4 7 4 5

4 1 4 0

9 5 8 2



16 22 23 27

29



21 24 27 28

Mega Ball  
10



5 1 2 3

6 1 6 5

7 7 9 0

DIARIO

9 7 8 8

9 3 0 3

8 1 2 1

SUPER  
4

4 5 2 1

Saturday, 15 Maart, 2014



16 24 26 40

41 45 X3

\$22 MILLION

Saturday, 14 Maart, 2014



7 20 40 54

69 12 X3

\$400 MILLION

# Prome careda di street karting un exito rotundo



ORANJESTAD - Rond di 6'or di atardi a conclui e prome competencia di go kart riba cayanan publico. Esaki tabata e atraccion di mas grandi di e celebracion di himno y bandera na Cas di Partido AVP. For di tempran publico a acudi na grandi pa presencia e tipo di caredanan aki. Na Cas di Partido tabatin un ambiente grandi cu benta di cuminda, cos dushi, arte-

sania, banda bibo. Famianan a topa otro come hunto bou di tent y pasa un rato ameno.

Den categoria 4 stroke tabata: 3) Frank Benita; 2) Michael Ruiz; 1) Myron Tromp.

Den categoria 2 stroke e resultado tabata: 3) Christopher Arends; 2) Matthew Paesch y ganado Jonathan Arends. E ambiente na Cas di Partido mes tabata grandioso. □



Prome Minister den su discurso riba 18 maart:

## “Nos ta un combinacion di mas bunita di emocion y racionalismo cu por existi”



**ORANJESTAD** – “Despues di tres luna di Status Aparte, na 1968, no tabata tin mas florin Antiano na Aruba. Esey ta e ehempel di e dedicacion y participacion di e Arubiano. Esey ta e diferencia entre un pais cu ta haci decisionnan basa riba unicamente emocion y Aruba cu ta haci su decisionnan basa riba vision y racional. Un pais cu ta scoge pa un direccion y cu tambe ta duna contenido na esaki.”

Esaki ta un parti di e discurso di prome minister Mike Eman ayera mainta den cuadro di e celebracion di Dia di Himno y Bandera. El a pone enfasis riba e dedicacion di Arubanonan pa sigui hiba e pais pa dilanti y ta pidi pa sigui cu esaki. “Arubianonan a mira e hechonan di e tempo aya como un reto. Nos mester enfrenta un crisis economico, nos mester duna contenido estatal, crea nos mesun parlamento, Aruba mester a percura pa institucionnan manera Controlaria General (Algemene Rekenkamer), Consejo Social-Economico (SER) por a haya contenido den un isla nobo cu a bira un Pais.”

Emocion pero cu racionalismo. E prome minister tambe a enfoca riba e parti special di Arubianonan, e combinacion di emocion y racionalismo. E Arubianonan, e descendientenan di Indjannan, e Europeonan cu a inmigra e tempo ey aki a sinti cu e pida baranca aki tabata tin algo special. For di e sentimiento ey, a sali un compromiso, y for di e compromiso ey a sali un deseo. “Y e deseo ey,” Sr. Eman a enfatisa, “ta



uno hopi fuerte, pasobra e ta biba te cu e dia di awe. E ta e combinacion di mas bunita di emocion y racionalidad cu por existi. Sr. Eman ta rasona cu den e temponan colonial hopi otro paisnan a bringa pa nan independencia basa riba hopi emocion. Pero na Aruba e sentimiento a bay den man cu racionalismo, pa asina busca e miho mod-

elo caminda cu Arubianonan por a expresa nan sentimento y tuma destino den nan man. Deseo di Arubianonan tabata pa na e mesun momento e sentimentonan aki mester ta integra su autonomia cu siguridad, pa como un isla chikito den un mundo grandi, por progresa y alabes tin e siguridad pa por progresa di e manera cu pueblo ta desea.



“For di e sentimentonan aki, Status Aparte a surgi,” Sr. Eman a enfatisa.

### Partner pa Reino

“Laga dia di Aruba awe ta un invitacion tambe pa cada partner den Reino pensa hunto y na e mesun manera pa duna contenido na un miho Reino pa cada ciudadano y pa un Reino mas armonioso,” y Sr. Eman a termina su discurso pidiendo pa un Reino, “cu ta cuida pa e prohomonan, enfermonan, esunnan menos fortuna, pa muchanan, cuida tur hende cu tin necesidad na solidaridad. E no ta bay pa e cifranan, si no pa e diferencia cu nos por haci pa e calidad di bida. P’esey Arubianonan a lucha pa nos tin autonomia, pa nos por ta ‘Baas den nos mes cas,’ y awe nos hisa e bandera y bisa, ‘nos ta segura un trabou pa nos trahadonan, un bon scol pa nos yiunan, cuida pa nos grandinan y amor grandi pa nos bisiaña. Laga nos sigui traha cu e amor y e compasion ey y nos lo no tin nada

pa kibra e dushi suelo aki y Aruba lo sigui triunfa.”

Un parti di su discurso Sr. Eman a haci na Hulandes, pasobra manera e mes a splica, “tin un huesped mey mey di nos, cu mi mes a invita.” Sr. Eman a referi aki na e secretario-general di Binnenlandse Zaken Sr. Richard van Zwol. Aña pasa, Sr. Eman a splica den su discurso, cu el a combersa cu Sr. van Zwol y nan a papia di un momento adecua pa e haci un bishita na Aruba. E invitacion a sali e ora di Prome Minister pa e funcionario di Binnenlandse Zaken pa t’ey presente riba nos Dia Nacional. Prome Minister a repasa un pida di e historia di Aruba, cu el a presenta na comienso di su discurso na Papiamento. El a splica cu na cuminsamento di siglo pasa, e isla seco aki, cu ningun hende tabata tin mucho creencia cu e lo tin un futuro, pero esunnan cu tabata biba riba e isla tabata considera e isla ‘Tur cos’. □

**BON DIA** *Aruba*

**Editor**  
 Caribbean Speed Printers N.V.  
 Aruba Bank N.V. Acc. #332668  
 Caribbean Mercantile Bank N.V.  
 Acc. #23951903  
 RBC Royal Bank Acc. #1330772

**Sub-Gerente General**  
 Jaime Mata

**Sub-Gerente Editorial**  
 Dionne Fradl-Jie Sam Foek

**Redaccion**  
 Jenisse Thiel  
 Lia de Cuba  
 Margarita Els  
 Maritza Tromp-Lacle

**Redactor Deportivo**  
 Nathalie Winterdaal

**Colaborador**  
 Oscar Vidal  
 Seever Krozendijk

**International**  
 Mariano Heyden

**Fotografo**  
 Dino Tromp

**Ehecutivo di Benta**  
 Marijke Croes-Luidens  
 Mark Gomes

**Diseño Grafico**  
 Michael Arendsz

**Aviso y Arte**  
 Sandra Loefstop  
 (Hefe di reservacion)  
 Gladis Palomino Silva  
 Lando Rafael  
 Robert Cortez

**Administracion y Distribucion**  
 Mariette Engelhart  
 Martha Arteta de Ariza  
 Jenny Lobbrecht - Kelly

**Collecion**  
 Evelinda de Cuba - Tromp

**Pre Press**  
 Luis Fernando Arenas (Hefe)  
 Pablo Libre

**Press**  
 Roland Schenker (Hefe)  
 Omar Ramirez  
 Yair Gambin  
 Francis Dirksz  
 Martin Boekhoudt

**Agenda di Noticia**  
 Associated Press  
 New York Press

**Afilacion**  
 Sociedad Interamerica  
 di Prensa (SIP)

**DIRECCION**  
 Weststraat #22  
 Tel: 582-7800 / Fax: 582-7044  
 email: noticia@bondia.com  
**BON DIA ARUBA**  
 Ta un Corant redacta y imprimi na  
 Aruba y ta obtenibel di Dialuna te  
 cu Diasabra. Ningun contenido  
 por wordo reproduci sin permiso  
 di Editor. www.bondia.com

# Control riba supermercado



**ORANJESTAD** – 18 di maart ta un dia nacional unda tur tienda mester ta cera segun ley, cu excepcion di cierto den e area turistico. A tuma nota cu algun supermerca-

do, mas tanto esun di negoshantenan Chines, no ta cumpli. Polis a tene un control bou supermercadonan rond Aruba y a haya diferente lugha habri.

Esaki no ta prome biaha y tin casonan unda e supermercado ta muestra cera dilanti pero por drenta y compra via un otro porta scondi. □

# Hunta directiva nobo di AHATA

**ORANJESTAD** – Den e Asamblea General diabierna pasa e asociacion di e sector turistico na Aruba, AHATA, tambe a eligi un hunta di directiva nobo.

Bon Dia Aruba a skirbi esaki diasabra caba pero no a menciona e 10 directornan cu e 72 miembronan di AHATA a eligi tambe. Nan ta Jesus Cardoso, General Manager Occidental Grand Aruba; Roberto Grisi, General Manager Ritz-Carlton Aruba; Fred Hoffmann, General Manager Hyatt Regency Aruba Resort & Casino; Jorge Landa, General Manager Holiday Inn Resort Aruba; Joe Najjar, General Manager La Cabana Beach & Racquet Club; Alex Nieuwmeier, Managing Director Divi Resorts; Edgar Roelofs, General Manager Manchebo Beach Resort & Spa; Brian Stedeford, General Manager Tropicana Aruba Resort & Casino; Peter Steinmetz, director di Aruba Airport Authority y Warren Stanley, General Manager di De Palm Corporation.



Bon Dia Aruba si a publica e nombrenan di e presidente nobo, Ewald Biemans y e otro miembronan cu e directiva (riba potret).

## Impuesto 100% pa estrategia ATA

Durante e presentacion director James Hepple, a presenta e cinco metanan di AHATA pa 2014. Un di nan ta aumento di e ganashi riba camber di hotel (Revpar). Pero nan tambe kier e siguransa cu 100% di e entradan-

an di impuesto ta wordo inverti den e strategianan di mercado di e oficina di turismo, ATA. Un obhetivo tambe ta pa aumenta e number di yegadanan y un crecimiento di e trafico aereo. E costanan como resultado di legislacion no mester aumenta mas, pasobra AHATA ta haya caba cu e gastonan di haci negoshi a subi hopi caba. □



*Director di APA Jossy Figaroa*

## Tin cu bay sinta cu gobierno pa wak unda ta haya placa pa inverti den waf

**ORANJESTAD** – Segun director di Aruba Ports Authority, Jossy Figaroa, tin cu bay sinta cu gobierno pa wak na unda ta bay haya placa pa bay inverti den waf den e añanan cu ta bin.

Figaroa sa cu gobierno kier bay drecha e waf y si e fondo di APA no ta suficiente, tin cu bay wak cu gobierno con pa bay inverti den e añanan cu ta bin pasobra den e caso aki tin cu inverti no pa APA mes, ni pe Puerto, caminda no ta bay tin suficiente fondo, pero pa Aruba en general e ta bay sali hopi bon.

### Plannan riba mesa

E ta sigui splica cu tin hopi plan riba mesa awor aki, pero Figaroa tin cu revisa nan pa asina tin un plan pa tene nan mes na dje. Banda di esey lo bay busca fondo pa haci inversionnan. Locual cu sa si cu a bisa Figaroa bon cla na durante un reunion cu e tabata tin na Miami, cu Aruba mester ta prepara pe barconan Mega. Esta barconan manera Oasis y Alure por



ehempel.

### Barco Mega den waf

Na 2016 Royal Caribbean lo bay tin 6 di nan. A bisa cu nan kier bin abao, pero nos waf no ta prepara pa nan. Aruba tin un bon producto y nan kier haci uzo di dje, pero mester ta prepara pe. Problema ta cu e cantidad di placa cu mester bay hinca pa prepara e waf. APA tin cu bay sinta cu gobierno pa wak na unda ta bay haya e fondonan pa bay inverti den e añanan venidero.

### Dos plan

Segun Figaroa, APA ta bay traha riba dos plan. Un plan

kico ta bay haci dentro di dos aña cu e parti pabao. Tambe lo bay traha riba un plan mas grandi. Kico ta bay sosode cu waf entre 10 pa 15 aña.

### Movemento pa Barcadera

APA ta trahando riba e movimiento di e parti di carga pa bay Barcadera. Esey ta bayendo relativamente bon. Naturalmente tur proyecto tin su retonan. Figaroa a papia cu tur hende cu ta envolvi na Barcadera y ta mustRANDO bon. Ta spera cu pa otro aña juli tur cos ta na ordo.

### Seis plan

Na e mesun momento mester



traha riba plannan na Playa. A traha den curso di aña riba diferente plan. Aki a compronde cu tin seis plan traha. Awor aki tin cu bay pasa den tur e plannan y despues hunto ta bay traha un plan master kico ta bay sosode di e waf di Schoener te pabao di e waf di container.

### Parkeer di barco

Locual cu Figaroa kier pa tin ta un Puerto bunita, unda cu por sirbi tur e barconan den futuro cu bin Aruba y manera e situacion cu ta awor aki, por parkeer tres barco grandi y un chikito. No tin un situa-

cion unda cu den futuro por wanta 10 barco, manera Sint Maarten, pero ta bon si pa por tin sikiera 4 barco di bon size para den waf. Tin cu bay haci algo riba e tereno ey. APA lo bay bin cu e idea cu 'finger' pier parti pafó. Eynan tin cu bay corta mangel y haci daño na naturalesa y ningun hende ta sinta warda riba dje. Si esey tin cu sosode, e tin cu sosode, pero e tin cu bay cu tur splicacion necesario. Den e lunanan cu ta bin ta bay traha riba plannan con ta kere con cos mester ta entre 15 pa 20 aña, Figaroa a finalisa. □



Come & join us!  
*Real action...real winners!*

*Monday March 25, 2014*

Double Points Slots from 10:00 AM to Midnight.

*Tuesday March 26, 2014*

\$1,000 Slot Tournament from 5:00 PM to 8:00 PM.

*Thursdays*

\$500 Spin & Win from 8:30 PM to Midnight.

*Saturday March 29, 2014*

\$1,200 Blackjack Tournament from 5:00 PM to 8:00 PM.

*Sundays*

\$250 Spin & Win Progressive from 4:00 PM to 8:00 PM.

Cash Prizes

*End of the month*

Triple Points Slots from 10:00 AM to Midnight.



**HYATT  
REGENCY®  
RESORT**

For more information, please contact our Players Advantage Club at 586 1234 ext. 4583.

Rudy Geerman di FTA

## Gobierno a hunga politica cu e tema di BBO



**ORANJESTAD** – Gobierno a hunga politica cu BBO y bisa cu esey ta esun cu ta stroba e economia di Aruba crece.

Nan a bay campaña cu e ta elimina e BBO y a logra elimina 50%. Sinembargo e otro 50% e no por elimina. Gobierno a ripara cu e mester

di entrada.

E gobierno aki a haci hopi desordo ora cu nan tabata den oposicion riba cuenta di aumento di gasolin. Awor nan mes ta sinta cu e batata cayente. Segun Geerman, mester ta cauteloso ora cu ta bisa un cos, pasobra mañan e ta bin bek pa bo, manera un boomerang.

### Prijs ta sigui subi

Geerman a splica cu prijs di gasolin ta keda subi. Por scucha gobierno bisa cu tin problema na Merca of Rusia y ta hisa prijs di petroleo. Segun Geerman, BBO a bin pa gobierno haya mas entrada. Riba esey por ta di acuerdo cu tin momento cu pueblo mester yuda gobierno haya mas placa.

E problema tabata ta e sistema di BBO, caminda cu e ta acumulativo, esta 3 biaha ta wordo paga riba un producto. Pero riba e intencion of filosofia cu mester haya mas entrada, no tin problema.

E sistema di aumento cada biaha riba gasolin ta trece cu cada biaha cu gasolin subi, tur e productonan rond di dje ta subi.

E ora ey e hende ta keda cu menos placa pa gasta. Consecuentemente menos placa ta bay den economia, menos placa ta bay den belasting. Eynan gobierno mester busca un otro alternativa pa bisa cu nan no ta purba di hisa gasolin.

### Spiraal vicioso

Geerman a splica cu kisas lo

mester absorbe e BBO pa haya mas entrada. Ta haya mas entrada na momento cu pueblo por gasta mas, e ta sigui bisa. E prome dos simannan di luna, gasolin ta aumenta. Cada aña e ta subi. Hopi biaha e ta subi cu 6 y 7 cen.

Ora e baha e ta baha cu un of dos cen. Si mira bon e gasolin, compara cu 5 of 6 aña pasa, ta na unda nos ta bay. Tur cos rond di dje ta aumenta na momento cu e hisa. Si drenta den tienda mañan, ya caba wak e producto cu tabata costa 92 cen, e ta subi cu algun cen.

Esey ta un señal cu ainda gobierno no ta realiza cu nos no por sigui den e spiraal vicioso ey. □

Dr. Filomeno “Boei” Marchena, kende ta consehero na WEB NV

## Kehonan riba e calidad di awa di Aruba ta incorrecto



**ORANJESTAD** – Segun Dr. Filomeno “Boei” Marchena, kende ta consehero riba tereno di tecnologia y innovacion na WEB NV, kehonan riba e calidad di awa di Aruba, cu entre otro e ta causa malesanan manera cancer, ta incorrecto. Recientemente compania WEB NV a laga nan mes wordo husga pa loka ta trata e calidad di nos awa, traves di World Health Organization (WHO). Nan a haci diferente analisis di e awa y a traha un rapport amplio di esaki cual Minister di Salud, Dr. Alex Schwengle a ricibi diahuebs mainta na momento cu el a haci un bishita oficial na e compania.

### Awa saludabel

Segun Schwengle, conclusion di e analisis tabata cu e calidad di e awa di Aruba ta hopi bon mes. Tin algun aspecto chikito para den e recomendacionnan cu ta bisa cu por mehora ainda y WEB NV ta analisando si nan ta bay haci esakinan y kico e pro y contra ta di e recomendacionnan aki. “Pero cu e awa ta saludabel y cu nos no ta core riesgo bebiendo e awa di Aruba, esey a wordo comprobado door di e analisis aki. Esey pa mi tambe ta un bon noticia, pasobra e ora ami tambe por sigui cu e programa cu nos ta bay promove pa mas uzo di awa pa nos muchanan

na luga di bebe soft drink of juice, nan bebe mas awa possible”, segun e mandatario.

### Cambio den tecnologia

Segun Marchena, tin cambionan tumando luga na WEB NV y tin hende cu por pensa cu esaki tin di haber cu loka ta causando problema. Pero for di 1932 semper tabatin cambio den tecnologia. Semper a uza e tecnologia di vapor y asina mes a haci uzo di otro tipo di tecnologia. Pero na 2008 a cambia pe tecnologia di membrana. “Probablemente ora hende ta scucha eseynan ta pensa, por ta p’esey e calidad ta bay atras, cu no ta corecto”, segun

Marchena.

### Dos etapa

WEB NV a inverti hopi den e planta pa bin cu dos etapa. Un cu ta procesa e awa di lama, bah’e te na un constelacion di 600 ppm di salo. E otro etapa ta coy e concentracion aki y haci hopi

mas puro. Tur dos proceso, esun di vaporacion y esun di membrana ta produci awa hopi limpi y no tin bacteria den dje.

E planta termico ta keinta e awa te na 110 grado Celsius y esun di membrana no ta laga ningun bacteria pasa, e exper-to a muestra. □



## WAREHOUSE SPACE FOR RENT

**Centrally and conveniently  
located in Balashi**

**Spaces of 185 Square Meters  
with Loading Dock.**

**Call: 593 0049**

## DTI analisando pa baha porcentahe di tint

**ORANJESTAD** – DTI ta analisando pa baha porcentahe di tint. Esaki segun director di e departamento, Dominico Werleman.

E ta sigui splica cu tecnologia di internet ta duna hopi informacion y a bin haya sa cu na Hulanda mientras tanto a adapta e porcentahe di tint cu antes tabata 70%, locual cu nos ta uzando te cu awor aki, a baha pa 55%.

### Proposicion pa minister

A ripara cu na Merca, na diferente estado nan tini te na 25%. Otro paisnan tambe, unda cu tin hopi solo, manera Australia, tambe ta na 30 pa 35%. DTI ta analisando ki porcentahe por uza. A haci un proposicion na minister pa adapta su maneho pa esey. Esey DTI ta trahando riba dje y ta spera cu pronto por keda cla y sinembargo duna un alivio di e parti ey. DTI tambe ta haya cu ta fastioso pa un persona presenta eynan, e mester kita e tint pa e pasa e keur. Hopi biaha e ta bay bek y pone e tint, riba e caretera publico e control t'ey.



### Di acuerdo cu ley

Basicamente DTI ta haci loke ley bisa, pero riba caminda e ta otro. DTI ta cumpliendo cu ley. Nan kier a stop, pero a haya instruccion di Ministerio Publico pa sigui cu e maneho manera cu e ta y pa aplica e reglanan manera cu

nan ta stipula. DTI ta controla e densidad di tint. Segun Werleman, mas abao e porcentahe e glas ta laga e luz pasa, mas scur e ta bira. Si mester baha di 70% pa 40%, e ta bira mas scur. Ta permiti un tint mas scur ora cu aplica riba e glasnan di e auto e ora.

Esey ta yama “baha” e porcentahe di e tint.

### Analisando

Werleman ta splica cu DTI a studia e materia caba. Awor aki ta analisando tur e tint cu ta presenta, wak kico ta e porcentahe cu mayoria ta wordo uza, e ora den e direccion ey

DTI lo bay pa duna minister un conseho pa e ahusta su maneho riba e parti ey. Ta calcula cu den un pa dos luna mester por keda cla cu e parti ey.

### Diferente otro tipo di tint

Dilanti si e mester ta clear. No por tin tint riba dje. Solamente parti ariba por tin un rand di 10 pa 15 cm, pero e resto mester ta cla. No mag di tin tint riba dje. Loke ta importante pa tin tint cu ta spiel of metal, esey si no lo wordo acepta. Tint scur si DTI por wak te con leu por bay. Ta haya cu e refleho di rayonan di solo ta mas skerpi y ta crea problema riba caminda, en particular parti atardi si bay direccion pariba, e auto patras por haya nan mes ta wordo refleha den cara na momento di core. E tint di spiel di metal pe motibo ey no lo wordo acepta. Esey ta normal internacionalmente y no ta algo cu DTI a pone. Esey ta aplicabel tambe y e tint di color, sea berde, cora tambe normalmente internacionalmente no ta wordo acepta, Werleman a termina bisando. □

## Advertorial

### Boluntarionan lo laga Ambiente Feliz briya atrobe

**ORANJESTAD-** E aña aki Aruba Bank tambe ta forma parti di e proyecto ARUBA DOET. Pa Aruba Bank ta un privilegio di por forma parti di e tremendo proyecto aki caminda boluntarionan formando parti di tur organisacionnan social, compania y tambe den forma personal ta uni hunto pa asina duna sosten na un proyecto specifico. Curason di e team di Aruba Bank ta bati duro pasobra nan ta cla pa duna algo bek na comunidad den forma di ARU-

BA DOET. E grupo di boluntarionan di Aruba Bank ya caba ta registra pa asina yuda Ambiente Feliz briya atrobe. Riba Diasabra 22 di Maart entre 7or di mainta y 3'or di atardi. Boluntarionan di Aruba Bank lo duna un man cu verfimento di Ambiente Feliz pa di e manera aki e edificio por ta den un bunita condicion pa ricibi su clientenan.

Aruba Bank tin na pecho su vision como un entidad socialmente responsabel y ta pa esaki cu kier curasha mas y

mas instancia, organisacion y personanan individual ta bira parti di ARUBA DOET.

Tin mester di mas boluntario pa forma parti di e diferente proyectonan. Bishita [www.arubadoet.com](http://www.arubadoet.com) y haya mas informacion tocante e proyecto aki cu lo tuma luga riba dianan 21 y 22 di maart y ta wordo organisa pa CEDE Aruba, hunto cu Oranje Fonds.

Colabora cu ARUBA DOET y bira parti di un di e accionnan boluntario di mas grandi den Reino. □



**ORANJESTAD** - Create your own salad' is Café the Plaza's latest menu option

A great new, healthy menu option is available at Café the Plaza in the Renaissance Marketplace.

Chef Andy of the popular restaurant downtown has come up with a “choose-it-yourself” salad idea that is catching on big-time. Salad lovers will go wild, we predict. What's the deal? Well, guests receive a plate of mixed lettuces. To that they

add their choice of main ingredients which vary from mozzarella to chicken, from crab or tuna, from beef to shrimps or rare tuna and add to this a dressing and three toppings of their choice. The toppings can be tomatoes, onions, cucumber, olives, capers, Parmesan, a boiled egg, bell peppers, bacon, croutons or relishes. Salad dressing choices are Caesar, balsamic, basil-pesto or mustard. “Reactions to the new salad are very enthusiastic”, tells supervisor Moniek, who in-

roduced the salad last week. She adds that regular guests who were disappointed that their favorite crab or tuna salad was not on the new menu anymore, now have a chance to order them via the new “Create your own Salad” option.

Chef Andy has not been idle, by the way: his new daily specials and soups are also getting rave reviews.

Café the Plaza is open from 8 am until 1 am, so you will have time enough to splurge on a salad. □

## Advertorial

*Advertorial***Guardian Group Fatum yegando mas cerca di su clientenan**

**ORANJESTAD**- E proyecto pa loke a trata e Ley di Labamento di Placa y financiamiento di Terrorismo (AML/CFT), Guardian Group Fatum ta activamente yegando mas y mas cerca na su clientenan pa asina colecta tur documentonan necesario pa cumpli cu e ley aki hunto cu su Compliance team.

Den siman por a mira empleadonan di Guardian Group Fatum tawata na diferente bario riba nos isla pasando cas pa cas, pa asina por yega mas cerca di esunnan cu falta pa entrega algun documento. Ta asina cu cada cliente cu tin un seguro di vida (risico, spaar, studio of pensioen) mester tin den su file un ID valido manera un cedula, paspoort, rijbewijs. Un prueba valido di adres tambe ta necesario den forma di re-



cibo di utilidad of un registro di censo.

Guardian Group Fatum lo sigui cu su accionnan den bario. Clientenan por pasa di Dialuna pa Diabierna non-stop for di 7:30 am te cu 5:30 pm pa asina entrega nan ID y prueba di adres. Por tuma

contacto cu Guardian Group Fatum na 582-1111 na extension 3117 of 3169. Nos oficina ta situa na L.G. Smith Blvd 162.

Pasa mas pronto posibel, pa update bo file y abo como cliente por participa pa gana 2 ticket pa Miami! □

**Stichting Algemeen Pensioenfonds Aruba**

Stichting Algemeen Pensioenfonds Aruba (APFA) is verantwoordelijk voor de uitvoering van de pensioenregelingen die gelden voor ambtenaren en daarmee gelijkgestelden, en werknemers van aangewezen werkgevers. APFA valt vanaf begin 2011 onder het toezicht van de Centrale Bank van Aruba. Het aantal actieve deelnemers per begin maart 2014 bedraagt 6.694 en het aantal pensioengerechtigden 3.814. APFA heeft een balans totaal per begin maart 2014 van ruim Afl. 2,2 miljard en is de grootste financiële instelling op Aruba. Er werken thans 37 medewerkers bij APFA.

Stichting Algemeen Pensioenfonds Aruba heeft thans een vacature voor twee (2)

**Consulent Servicedesk Hypotheken**

De Consulent Servicedesk Hypotheken functioneert binnen de afdeling Hypotheken en legt verantwoording af aan de Manager Hypotheken.

**Taken en Verantwoordelijkheden**

Als Consulent Service Desk Hypotheken zorg je voor de voorbereiding van de hypotheekaanvragen door alle voor de hypotheekverstrekking relevante informatie te verzamelen. Je beantwoordt de vragen van klanten en je registreert deze conform de interne richtlijnen en procedures. Je voert de aan jou toebedeelde taken en werkzaamheden in het kader van het achterstandsbeleid uit. Je zorgt voor de volledigheid van de samenstelling van de hypotheekdossiers. Je bent aanspreekpunt voor klanten/kredietnemers. Als Consulent Servicedesk Hypotheken heb je contact met de afdeling Hypotheken, klanten/kredietnemers, notarissen, taxateurs, verzekeringsmaatschappijen en banken om informatie uit te wisselen.

**Profiel van geschikte kandidaat**

- MBO-diploma in een financieel-administratieve richting met relevante diploma's voor zakelijke kredietverlening en hypothecair krediet
- Minimaal 1 jaar relevante werkervaring
- Goede mondelinge en schriftelijke beheersing van de Nederlandse taal en Papiamentu
- Leervermogen
- Omgaan met vertrouwelijke informatie, flexibel
- Commerciële en klant-/servicegerichte instelling
- Accuraat, zelfstandig

Sollicitaties dienen schriftelijk met CV en kopie relevante diploma's gericht te worden aan:

Stichting Algemeen Pensioenfonds Aruba, email [info@apfaruba.org](mailto:info@apfaruba.org), ter attentie van mevr. J. Jacobs uiterlijk 28 maart 2014. Een psychologische test en een medische keuring kunnen deel uitmaken van het wervingsproces.

**Renobacion di Colegio Cristo Rey mester ta cla pa fin di april 2014**

**ORANJESTAD** – E alumno y maestronan di Colegio Cristo Rey lo habri aña escolar 2014-2015 den nan edificio renoba na Brazil. Y Colegio San Antonio ta number un riba e lista y e edificio na Santa Cruz mester ta cla pa e alumnonan y e team di scol cuminsa e aña escolar 2015-2016 den nan mesun edificionan

E noticianan aki a bin despues cu minister di Enseñansa, Michelle Hooyboer-Winklaar a reuni na diferente ocasion y hunto cu FDA (Fondo Desaroyo Aruba) y huristanan a yega na un acuerdo cu e compania di construccion encarga cu e proyecto di Colegio Cristo Rey. Y pa Colegio San Antonio esunnan encarga a informacion cu e bestek ta den preparacion pa por bay destaho publico actualmente.

Tambe, el a wordo informa cu na luna di mei lo por cuminsa cu trabao riba e dak di e scol caba.

**Retraso Cristo Rey**

Minister Hooyboer-Winklaar ta splica cu e problemanan financiero di e contratista a causa un retraso grandi den e renobacion grandi cu tabata tumando luga na e scol basico aki. Pa cuater luna largo e contratista no tabata activo riba e tereno di construccion, pero awo porfin si ta e renobacion ta yegando na su punto final. Ta premira cu Colegio Cristo Rey na Brazil lo ta cla pa fin di april.

Ta hopi lamentabel cu tabatin retraso den e trabao, e mandatario ta subraya.

E edificionan di e scol prome cu su renobacion tabata tin un dak di asbest hopi bieu, tabatin diferente reto cu e infraestructura en general y ademas tabatin un plaga di paloma cu a cuminsa trece retonan fastioso, formando un riesgo grandi pa salud di e usuarionan di e edificionan.

**Situacion Colegio San Antonio**

Entretanto diferente situacion no desea a presenta na e trailernan na Centro di Bario Dakota, unda cu e tentnan cu tabata brinda sombra pa e alumnonan ora nan ta pafu a wordo kita pa uzo durante temporada di Carnaval y tambe tin un escasez di baño. Tin diferente cosnan chikito

cu mester wordo resolvi y minister Hooyboer-Winklaar a reuni na e scol cu e cabe-sante siman pasa pa cu esaki.

E tentnan lo wordo poni bek riba e tereno di scol diaran-son, despues di Dia di Himno y Bandera y lo pone baño extra tambe pa e scol.

**Mudamento atrobe**

A discuti tambe e opcion pa muda atrobe, pero e team di e scol ta di opinion cu e situacion cu logistica pa muda ta tuma tempo y basta trabao y no ta deseabel considerando cu nan lo mester muda dos biaha den un tempo relativamente cortico, e mandatario ta splica.

“Nan ta fadando. Nan a yega na un punto unda ami ta compronde completamente, nan tin frustracion, pasobra ainda no tin claridad ariba e punto aki,” asina e mandatario ta subraya.

Ta trata di e falta di informacion concreto tocante e renobacion di nan scol na Santa Cruz, como tambe e situacion cu nan ta biba actualmente den nan “scol temporario”, esta e trailernan na Centro di Bario Dakota.

**Mas scol riba lista**

Tin mas scol riba lista pa un renobacion grandi, incluyendo Colegio San Antonio, Sint Augustinus College, Arco Iris Kleuterschool, Colegio San Nicolas, Colegio Frère Bonifacius y Prinses Amaliaschool. Minister Hooyboer-Winklaar a papia cu DOW y ministerio di Infraestructura tocante e trabaonan cu ta pendiente, esunnan grandi y chikito. A discuti planificacion, e fondonan disponibel y kico mester wordo haci pa realisa e proyectonan pendiente.

**Inversion di 38 miyon**

Calculacionnan ta muestra cu tin mester di un inversion di 38 miyon pa cubri e renobacion grandi di e shete scolnan cu ta actualmente riba e lista.

Actualmente, ademas di infraestructura di e scolnan, e minister tin dos otro area esencial cu e trahando riba dje, esta e introduccion di diferente elemento importante, incluyendo terminologia final y diferente materialnan cu e scolnan a indica cu nan mester of ta desea y e parti di cuidu pa maestro, incluyendo recapitacion y nan estructura di salario. □



## 25 edicion di Conferencia Anual di Turismo Aruba

**ORANJESTAD** – Aruba Tourism Authority (ATA) ta tene e siman aki e di 25 edicion di e encuentro ‘Conferencia Anual de Turismo Aruba’ (CATA)

En total e encuentro ta conta cu 70 participante di diferente paisnan di Latino America, cu ta Colombia, Argentina, Chile, Brasil, Paraguay, Mexico, Panama, Venezuela y Ecuador. E participantenan lo consisti di operadornan di tour, representantenan di aerolinea, hotelnan representando Aruba den e mercado y representantenan di Aruba den e mercado di Latino America. Diahuebs mainta ta e apertura oficial na Renaissance Convention Center.

CATA su obhetivo ta pa

brinda posibilidad pa reforsa e conocimiento di Aruba na e ehecutivonan y pa sigui traha riba e relacionnan cu e socionan, enfocando asina riba oportunidadnan cu por enriquece nos mercado turistico. Latino America ta e di dos mercado di mas grandi pa e isla di Aruba. CATA sigur ta un encuentro di suma importancia pa nos industria turistico, segun ATA.

E conferencia ta tuma luga oficial for di 19 di maart pa 22 di maart cu un programa intensivo. Diaranson anochi lo ta e apertura cu celebracion special pa e di 25 aniversario na DiviVillage Windows.

### Apertura

Minister di Turismo, Transporte, Sector Primario y

Cultura, Sr. Otmar Oduber, como tambe director di ATA Sra. Ronella Tjin Asjoe-Croes lo habri e conferencia diahuebs. Ademas tin varios oradonan invita manera manager di Aruba Convention Bureau, Sra. Jerusha Rasmijn, Director General di Imagen Digital, Sr. Edgar Camillo, como tambe director di MDE Consulting Group, Sr. Manuel Caro.

Ademas ta bay tin un panel di discusion dirigi pa NTN24 HORAS cu nan presentadora Harriet Hidalgo cu lo ta papiando cu Sr. Freddy Vargas referiendo esfuersonan di Aruba pa cu proyectonan sostenibel, den e caso aki mara na ‘energia’. Imagennan di CATA lo wordo tuma door di NTN24 y transmiti den

e region di Latino America completo pa medio di e canal aki, asina brindando Aruba y Aruba su conferencia y esfuersonan cobertura debido. E mainta intensivo ta sigui cu un comento. Parti merdia ta ofrece e participantenan un jeep tour den estilo “ScavengerHunt” cu De Palm Tours. Atardi laat nan lo haya un tour cu e tram pa admira e renobacion di e centro di Oranjestad, sigui pa un anochi cultural na honor di e di 25 aniversario di CATA 2014. Esaki ta wordo ofreci pa Aruba Tourism Authority y Aruba Convention Bureau y lo tuma luga na Plaza Daniel Leo.

Diabierna henter dia lo tuma luga e showcase turistico na Radisson Aruba Resort & Ca-

sino. Akinan ta caminda encuentronan importante entre partner local y e participantenan ta tuma luga pa asina negocia y amplia oportunidadnan pa e proximo temporada. Diasabra tin oportunidad pa inspeccion di hotelnan pa esunnan cu ta desea di participa den esaki.

E conferencia lo cera cu un broche de oro cu un anochi di celebracion di e di 25 año di CATA, cu diferente premiacion manera Premio Estrella, como tambe Premio Eline Bartels-Daal pe varios participante cu a yuda promove y sostene Aruba den e mercado di Latino America. Esaki lo tuma luga na Marriott Aruba Resort & Stellaris Casino. □

## “Comunidad elite di waf di Rotterdam hopi interesa den Aruba”

**ROTTERDAM/ ORANJESTAD**

– Empresarionan elite di e mundo di Puerto na Rotterdam a demonstra nan interes riba e posicion cu Aruba tin como gateway entre Europa y Latino America. Esaki a keda demonstra durante un presentacion cu minister plenipotenciario, Alfonso Boekhoudt, pa mas di shen empresario di puerto di Rotterdam.

### Invitacion

Boekhoudt a wordo invita pa gerencia di ‘Marine Club Rotterdam’ pa duna un splicacion pakico Aruba ta e hub ideal pa negoshinan Hulandes/Europeo cu kier

probecha di e crecemento economico fuerte cu ta tumando luga principalmente den paisnan manera Colombia, Panama y Brazil. E empresarionan mas importante y cu ta activo den e sector di puerto y di transporte den region di Rotterdam/Europoort ta afilia na e prestigioso Marine Club Rotterdam.

### Balor adicional

Den mayoria caso ta trata di empresanan cu ta opera internacionalmente, entre nan companianan di transporte maritimo, stiwardo, agencia maritimo y di terminal. Minister Plenipotenciario Alfonso Boekhoudt kende

tin conocimiento amplio riba e tereno aki dor di su funcion anterior di director di Aruba Port Authority tabata comodo entre e ‘elite’ di waf di Rotterdam. Nan a muestra hopi interes den e balor adicional cu Aruba tin di ofrece como hub logistico. Nan interes sin duda ta enfoca riba loka Boekhoudt tabatin di bisa riba e desaroyo di e facilidadnan di puerto di Aruba.

### Interes den waf di container na Barcadera

Loke pa nan a zona ideal tabata e noticia cu recientemente a start cu inicio di construccion di un waf di transporte y container na Barcadera cu no solamente ta bay ta ekipa cu



e materialnan mas moderno cu aparte di tin entre otro un grua state-of-the-art, ta adecua tambe pa por warda y carga container. Un informacion cu a haya bon acogida di

e audiencia cu tabata masha positivo. Aruba con cu bay bin ta situa riba un crusada di coriente creciendo rapidamente entre Europa y Latino America. □

*Aruba lo sali den ‘Inflight Magazine Brasil’ di Avianca den luna di April*

## Tur pasahero riba vuelo di Avianca lo cera conoci cu destinacion Aruba



**ORANJESTAD** - Recientemente durante carnaval tabata na Aruba un grupo di prensa di Brasil cu ta trahando cu e “Inflight Magazine” di e aerolinea Avianca. Nan ta Gaziela Ventura y Federico Campos kendenan ta periodista y editor hunto cu e fotografo Camila Balthazar. Nan a bishita Aruba cu e meta pa ilustra nos isla como destinacion turistico cu 8-10 pagina den nan edicion di April.

Pa por tin un articulo interesante y bon balansa a traha un programa pa nan cu a duna nan e oportunidad pa experiencia e variacion di eventonan etc. cu Aruba tin pa ofrece na e turista.

Manera haci compras, gas-

tronomia, actividad di lama y nan por a bishita diferente hotelnan cu Aruba ta ofrece. Durante nan bishita nan a huesped na Holiday Inn Beach Resort. Algo unico cu nan a encanta tabata di por a experiencia nos Soca y Caiso Monarch Festival.

Aruba ta e destinacion cu e revista aki lo ilustra den luna di April. Mester remarca cu tipo di revistanan manera “Inflight Magazine” ta revistanan cu bon circulacion entre 30 pa 50 mil ehemplar. Y den e caso aki e revista lo wordo inclui riba tur e rutanen di vuelo di Avianca caminda pasaheronan lo por lesa di Aruba.

Durante nan estadia e grupo

a wordo acompaña pa representante di Aruba Tourism Authority Sra. Amayra Boekhoudt.

Esaki ta otro esfuerso di Aruba Tourism Authority su oficina na Brasil cu a haya e oportunidad pa invita periodista pa conoce e producto turistico Aruba y lo incentiva e turista Brasileño pa bin pasanan vacacion na Aruba. Den un programa asina ta involvi otro partnernan den turismo y asina crea mas promocion via propaganda oral.

Aruba Tourism Authority ta gradici tur partner den turismo cu di un manera of otro a coopera y a haci bishita di e grupo aki uno agradabel. □

## Di tercer sesion consultativo pa stipula e maneho cultural di Aruba

**ORANJESTAD-** Departamento di Cultura Aruba (DCA) ta continua cu e sesionnan di ronda consultativo pa stipula e maneho cultural di Aruba cu ta sigui den Edward Cheung Innovation Center. Siman pasa varios punto interesante a bini riba mesa durante e prome y di dos ronda consultativo.

**Meta di sesionnan**

Meta di e sesionnan aki ta pa consulta cu persona of organisacion y duna participacion activamente den e fase importante aki di e proceso di maneho. Lo informa tur esunnan invita y involvi den e sector tocante e metanan di e maneho integral cu DCA lo compila pa e periodo di 2014-2017. Puntanan clave for di e nota di maneho "Cultura

2014-2017" unda metanan ta wordo describi, lo keda presenta. Ta ser pidi na tur esunnan invita y involvi pa duna nan contribucion en cuanto e rol cu Gobierno a hunga den e sector cultural e ultimo añanan.

### Contribucion DCA

Di e manera aki DCA lo por compila tur contribucion di e sectornan cultural den su

totalidad y presenta esaki durante e clausura cu e Cumbre Nacional di Cultura na fin di april 2014. E acuerdonan concreto cu ser haci cu tur hende, lo keda refleha den e puntanan clave den e nota di implementacion "Cultura 2014-2017". E nota aki, cu lo ser publica despues. E sesionnan di consulta ta ser organisa cu cooperacion di Ministerio di Cultura y ta

ser guia pa Departamento di Cultura Aruba (DCA). Pa tal motibo DCA ta participa y ta recorda tur esunnan cu ya a haya invitacion, cu e sesionnan riba tereno di arte ta continua riba diaranson 19 di maart pa sector di teatro y diahuebs 20 di maart venidero pe sector di baile. Tur esakinan den e edificio di Edward Cheung Innovation Center riba Sasaki. □

## Proyecto Autoestima Aruba basa riba modelo di Bob Mandel

**ORANJESTAD** - E comunidad di Aruba a cera conoci cu e Proyecto Autoestima Aruba. Autoestima ta e base for di cual bo por crea tur cos. Proyecto Autoestima Aruba ta basa den e modelo cu Bob Mandel a desaroya 15 aña pasa un grupo di 7 persona ta den un proceso pa bira e futuro asistentnan di e proyecto aki cual ya caba ta un exito.

Proyecto Autoestima Aruba Abigail Arends, Directora di ELKA & Associates ta na cabes di e proyecto aki. Abigail a informa cu e personanan aki ta canando un trayecto di mas o menos 2 aña intenso caminda diferente sesion ta tumando luga y topiconan varia ta wordo analisa.

E proceso ta cuminsa cu maximo 10 paso, evaluacion, casonan, conocimiento espiritual pa despues yega na e parti di renacimiento cual ta encera "breath work". Esaki tambe ta inclui den dje pa bo ta un lider y haci bishitanan na otro paisnan cu cual tin convenio riba e tereno aki. Abigail Arends ta un lider certifica pa duna e lesnan aki. Hopi di e hendenan cu ta participa den e proyecto ta profesionalnan, empresarionan y hopi

di nan tin experiencianan caba den nan tereno y esaki ta complementa nan como persona cu nan kier yuda, cu kier haci esaki un trabao di dje. E tereno di autoestima ta hopi amplio. Mundo ta cambia y bo tin cu keda bon prepara. No ta un cos cu bo ta studia solamente 4 aña, 3 aña y bo ta cla. Bo tin cu constantemente keda siña desaroyonan nobo, el a splica. E directora di ELKA NV a laga sa cu na final di e proyecto, e participantenan lo wordo certifica pe fundado internacional di e Proyecto Autoestima cu ta Bob Mandel. Un persona reconoci na nivel mundial y experto riba tereno di liderazgo.

Colaboracion internacional Arends ta haya colaboracion di otro lidernan di e proyecto autoestima den nan pais. Ta pa esey tabata tin e bishita na Aruba di Carla Acebey, Directora di "Apoyandote a Crecer", cual tin su oficina principal na Caracas, Venezuela y kende ta duna conferencia internacional riba e tereno di supera personal. Carla Acebey tin un experiencia di mas di 20 aña den temanan di crecimiento personal. Aworaki e ta trahando cu e grupo na Aruba



cu dos tecnica: un di nan ta Renacimiento, cual ta un tecnica cu ta permiti bo deshaci di pasado pa yega na un otro manera pa alcanza nos metanan. E otro tin di haber cu e Proyecto Internacional di Autoestima, cual ta un otro modelo, otro tecnica exitoso. Acebey ta biba na Venezuela pero e ta haci trabaonan na otro paisnan dictando conferencianan y dunando charlanan y uzando e dos tecnica aki como base.

"Mi a bin Aruba pa duna mas informacion tocante e Proyecto Internacional di Autoestima. Esaki ta un modelo cu Bob Mandel a canalisa 15 aña pasa. E ta pensa cu au-

toestima ta e punto di salida y base for di cual bo por crea tur cos", el a indica.

Pasonan pa fortalece autoestima Bob Mandel a desaroya e modelo aki cual ta consisti di 10 paso cu mester sigui pa fortaleza bo autoestima. "Un di e cosnan bunita di e modelo aki ta cu ta papia di con nos mester di otro como sernan humano. E otro persona, cu por ta bo tata, bo hefe, bo pareha, un amigo of incluso un persona cu bo a topa riba caya awe y e ta significativo den e modelo aki". Esaki ta e prome paso. E di dos paso tin di haber cu tolerancia. Di e forma ki ta

completa un serie te yega na 10 paso, cual ta basa den un relacion mas humano.

"Den mi opinion, e proyecto aki ta un fundeshi hopi importante ariba cual por construi cualkier cos cu mi ta desea. Cualkier soño, incluso vence cualkier obstaculo". Actualmente tin hopi manera con pa traha cu e modelo aki y ta importante pa mas hende haya sa di e opcionnan aki, tanto na nivel personal, empresarial como gubernamental, Acebey a manifesta. E grupo actual cu ta formando pa bira futuro asistentnan di e Proyecto Autoestima Aruba lo finalisa nan certificacion na April 2015 y lo keda traha continuamente hunto pa un temporada indefini. Mas grupo lo wordo certifica den e añanan cu ta bin, Abigail Arends a anuncia.

Interesadonan interesa den bira parti di e Proyecto Autoestima Aruba por participa actualmente como boluntario of por participa den guia priva y den grupo. Tambe por participa den e diferente seminarianan cu lo wordo anuncia despues via e medionan di comunicacion. Pa mas informacion por manda un email na [info@elka-aruba.com](mailto:info@elka-aruba.com). □

## Charla en conexion cu dia mundial di Downsyndrome

**ORANJESTAD-** En conexion cu dia mundial di Downsyndrome, Fundacion Ban Papia kier a invita Pueblo di Aruba en general pa un mainta di informacion ariba nos muchanan special, nos muchanan cu Downsyndrome. Riba e mainta aki lo duna mas informacion tocante Downsyndrome, kico

ta Downsyndrome y dicon un mucha por nace asina. Fundacion Ban Papia kier yama danki na UNOCA kende a haci esaki posibel. E mainta di informacion lo tuma luga dia 19 di Maart esta diaranson awor for di 8:30 te cu 11:30 na Cas Di Cultura. Lo tin presentacion di algun mucha cu tin down-

syndrome caminda cu nan lo bay muestra cu nan tambe por, tambe lo bay tin canto, proclamacion di poesia y mucho mas.

Fundacion Ban Papia ta conta cu e presencia di un y tur diaranson awor, dia 19 di Maart pa 8:30 di mainta. Entrada ta completamente gratis. □





## CHOOSE COLOMBIA - BUCARAMANGA

### “Trahadonan SABA mester ta feliz pa por duna un miho servicio”

**ORANJESTAD** - Minister Alex Schwengle a bishita e casnan di hende grandi di SABA na Savaneta y San Nicolas. E bishita aki tabata pa dos motibo. Pa bishita e instancianan y pa tende nan punto di bista. E trahadonan tin nan inquietud y nan pregunta. Sigur esaki ta causa hopi sorpresa ora di tende kico nan tin cu bisa, Minister Schwengle a señala. “Tin biaha nan tin sugerencia cu no a yega di pensa riba dje. Tin cosnan chikito cu kisas no costa bo nada di cen y cu por ta, ta trece un mehoracion den e calidad di bida di e trahado, pero tambe sigur di e clientenan cu ta biba na SABA”, el a agrega. Tur e aspectonan cu sali for di e reunionnan aki lo wordo incorpora den e maneho cu mester bay bin. No solamente pa SABA pero pa tur e casnan di cuida. Ta hopi leu cu esaki pero falta hopi informacion ainda, e mandatario a indica. Minister Schwengle tabata masha contento di tende hopi comentario positivo. Tambe tabatin oido y disposicion pa scucha aspectonan menos bon y a bisa cu lo tuma esakinan seguramente den consideracion. “E trahadonan ta traha cu hende grandi tur dia y mester zorg pa nan situacion ta bon. Pa nan ta feliz, pa asina nan duna un miho servicio tur dia na hende grandi”, e mandatario a finalisa. □



FCV Floridaablanca's Heart Institute



The **best experience** for the patient and his family based on scientific excellence, quality, innovation, technology and safety



Joint Commission International Quality Approval



No.8 Best Hospital in Latin-America. Ranking 2013

- Adult and Pediatric Cardiology
- Urology
- Maternal High Risk Genetics
- Vascular Surgery
- Telemedicine
- FCV's Air Ambulance Fleet Exclusive for International Patients.
- Surgical Pediatric Cardiology in partnership with



You can count on our International Patient Center 24/7

**Direct Phone:** (+57) (7) 639 6767 Ext. 212  
**Mobile:** (+57) 317 366 9332  
**E-mail:** [international@fcv.org](mailto:international@fcv.org)  
[www.fcv.org](http://www.fcv.org)

*Warda Costa a hasta yuda trece e boto tera pasobra el a confronta problema*

## Grupo di Corsou a bin cu boto Aruba pa horta diferente mashin di ATM

**ORANJESTAD** - Un grupo di cuater persona di Corsou a bin Aruba specialmente pa horta mashin di ATM. Un di e sospechosonan a biaha anterior cu avion mientras cu e resto a bin cu un boto den cual tabata tin tur e hermentnan y hasta dos boter di gas pa corta hero. Pa colmo e boto a haya problema riba lama y Warda Costa a duna asistencia y a trece tera. Un di e sospechosonan Micheal Koense, kende a biaha bin Aruba cu avion, a wordo deteni despues mientras cu e otronan a bay bek Corsou. Remarcabel ta cu pesar cu tin grabacion di video di seguridad di ATM y tambe number di e personanan, ministerio publico no a laga detene nan na Corsou. Parce cu Koense lo tin cu paga pa nan tur. E acusacion contra Koense ta cu e ta complice di ladronia di ATM di RBC y intento di ladronia na ATM di Aruba Bank. Den sala di corte diabierna mainta tabata presente un representante di RBC Bank, kende a presenta un demanda pa di 273 mil florin y 7.5 mil dollar.

### Ladronia ATM mashin

Hues a muestra cu e comienso di investigacion ta na Valero Ponton riba 27 di augustus 2013 pa 2'or y 45 di marduga, caminda a kibra ATM di RBC. A bay cu 273 mil florin y 10 mil dollar. Segun e proces-verbaal di polis, riba 27 di augustus 2013, CID a haya informacion cu Koense y Christiaan a bin for di Corsou pa horta mashin di ATM. Ta asina cu dia 23 di augustus Koense a biaha bin Aruba y Christiaan a bin Aruba e mesun dia pero cu boto anochi. Dia 23 di augustus 2013 nan a purba horta e ATM di Aruba Bank na Paradera pero no a logra. A base di informacion di CID, dia 29 di augustus, polis a bay observa y a reconoce Koense na Texaco na Seroe Blanco, caminda Koense tabata mira e ATM y caminda personal tabata trahando cu esaki. A sigui vigila unda a bay Camacuri Apartments. Dia 30 Augustus a haya informacion cu Koense tabata buscando luga di keda. A bay check video con a horta e ATM y a mira un Lexus SUV y a bay haci investigacion. Na un car rental a busca un auto y core rond cu esaki den cercania di e ATM caminda e camara a filma y esaki ta cuadra cu loke a mira riba e video anterior. Na lama a bin haya cas-setenan di placa cu tabata tin den e ATM y tambe e plachi di number. A mira cu Koense y su partner a bishita dos casino. Tabata tin tapmento di telefon caminda a scucha combersacionnan. Hues a muestra cu dia 1 di october 2013 a mira mensahenan cu ta muestra cu ta papia: "con cos a bay y e contesta tabata cu un a bay bon y e otro a bay malo". Otro mensahe ta bisa "p'esey esun cu a haci e mester sigui pasobra tur no ta mesun cos".

### Warda Costa a trece boto tera

Hues a muestra cu dia 23 di augustus 2013, e boto Pelican a drenta Aruba. Warda Costa a lastra un boto cu lo tabata tin problema. Investigacion

a muestra cu e boto a sali for di Corsou pero cu dos persona so siendo cu riba e boto tabata tin 4 persona. Entre nan Christiaans. Warda Costa a constata cu e personanan tabata duna declaracion contradictorio y tabata tin schroefnan benta pa loco riba e boto. Tabata tin boter di gas grandi, tas cu boormashin y otro hermentnan. Tabata tin un ice jug blanco. Sebastian y Christiaan a bin pero no a registra na Corsou. Christiaan no tabata tin identificacion. Koense a bin busca nan y Koense a bisa cu el a percura pa paspoort di Christiaan, pa e bin cu avion. Investigacion ta muestra cu Koense lo tabata na e pier na Renaissance y a pidi ayudo pa e boto. E tabata tin contacto via cel cu e boto. Tabata tin investigacion na diferente car rental y cu Koense lo a huur un Lexus y despues un Corolla y despues un Yaris. Tambe cu Christiaan lo a huur un pickup Dodge. Na otro car rental ta resulta cu Sebastian a huur auto. Koense tabata huur un camber na un compleho di apartamento, pero dor cu den oranan di anochi a laga dos persona drenta y drumi, a pone riba blacklist. Tambe el a bay keda na un otro apartamento. Despues el a bay keda na un apartamento na Ponton. Doño di e apartamento a bisa cu el a scucha zonidonan pisa y lastramento di cos pisa anochi. Ta asina cu ora di e ladronia, nan a spuit un camara na Ponton pero e otronan si a filma y for di eseynan polis a mira tur e movecionnan. Na Aruba Bank Paradera a mira e movecionnan tambe. A mira hendenan baha. Esun tras di stuur tabata tin un handschoen bruin. A uza laser pa corta. Nan no a logra.

### Razia na apartamento

Na Sasaki Apartments a detene Koense cu tabata cu su partner. Den baño a haya hermentnan y hasta boter di gas cu ta muestra sospechoso. A haya pañanan cu ta cuadra cu loke a mira riba e video di seguridad. A haya dos bril di las y aparatonan cu ta uza pa las. Den e caha fuerte a haya un cantidad di placa. Tabata tin un paki di dollar den plastic cu ta mas cu 19 mil dollar. Den e Yaris cu Koense tabata tin a haya un boter di gas y diferente cosnan. Na e apartamento a haya un pata di cabra cu tabata falta un parti di e haak patras y esaki a wordo haya na Aruba Bank na Paradera, caminda prome a purba di horta e ATM. Na polis, Koense a bisa cu e tin negoshi na Corsou. E tin 10 apartamento, un hotel y un club. El a bisa cu el a bin Aruba pa vacacion y tabata bishita casinonan. Su partner a bin Aruba y cu el a gana placa den casino. E placa cu a haya den apartamento ta placa cu el a gana den casino y placa cu e partner a bin cun'e for di Corsou pa nan biaha bay Miami cumpra un auto. Hues a muestra cu Koense tambe a wordo confronta cu articulo nan cu a confisca den apartamento. El a bisa cu e capitan di e boto a pidi pa warda e boternan di gas y e ice jug pasobra e capitan a bira malo.

Koense a bisa cu e tabata den casino y a wordo yama for di Corsou. El a keda asombra pero nan a pidi'e pa busca ayudo pa Pelican cu a haya problema riba lama. El a bay na e pier na Renaissance y eyan a notifica Warda Costa. Despues el a bay Barcadera y un personal di seguridad a bis'e cu e hendenan tabata tin hamber y el a bay cumpra cuminda pa nan. Despues di algun dia el a bay atrobe pa mira si por yuda. E capitan Constancia a dun'e e dos boternan di gas y e ice jug. Segun Koense el a bay diferente biaha na e boto y a sali cu nan. Koense a bisa hues cu loke el a declara na recherche no ta loke ta para riba papel. Ta p'esey el a nenga di firma e declaracion. El a bisa cu el a bin Aruba cu 26.500 dollar. El a desmenti cu e tabata sa di e contenido di e tas cu herment. Ta tres Venezolano el a duna lift y nan a laga e tas den su auto. El a bisa cu e no conoce e capitan. Ta recherche a pone e number di e capitan. El a bisa cu e no conoce esunnan riba Pelican. Segun Koense e no sa kende a huur e Dodge. Dia cu nan a bay, un hende a pidi'e pa entrega e pickup y dor cu nan debe placa. El a keda cu e placa di borg. Koense a bisa cu e no sa nada di e pata di cabra. Ta durante interrogacion miembronan di recherche a muestra esaki.

### Exigencia Fiscal

Fiscal ta haya legalmente proba cu Koense ta complice di e ladronia y kiebra na e ATM di RBC Bank. Fiscal a muestra cu tur e articulo nan cu a haya Koense cun'e y tambe e investigacion ta muestra cu e ta complice di e ladronia. Fiscal a condena e hecho aki caminda ta bin for di Corsou specialmente pa horta aki na Aruba. El a exige 1 año y 6 luna di prizon kitando e tempo cu e ta cera den KIA. Ademas fiscal a pidi pa aproba e demanda di daño di e banco.

### Defensa

Abogado mr. Zara a muestra cu ultimamente ministerio publico a haya hopi medio pa haci investigacionnan. Esaki ta haci cu mas facil ministerio publico por actua pero den e mesun rosea, corte supremo a bin cu exigencianan mas pisa pa ministerio publico. Por ehempel den caso di complicidad, e medionan di scucha telefon, uza imagenan di video ta yuda ministerio publico. Sinembargo segun exigencia di corte supremo, ministerio publico mester por prueba cu tabata tin un cooperacion estrecho pa por papia di complicidad. Mr. Zara ta haya cu esey no ta e caso cu su cliente. E ta haya cu no por prueba cu Koense ta complice di e ladronia di mashin di ATM. El a lamenta e hecho cu pesar cu ministerio publico sa number di e otro sospechosonan, no a haci uzo di e medionan cu e ta dispone di dje pa laga detene e sospechosonan aki na Corsou. Hues a bisa cu e ta bay studia e caso y dia 4 di april lo dicta sentencia. □

## Caso contra Surnameño cu a malversa compania di huur auto y diferente cliente a wordo posponi

**ORANJESTAD** - E homber J.S. di Surinam a presenta dilanti hues pa responde pa e delito cu el a haci. Ariba e rol di casonan penal por a mira cu tin 10 persona cu a sali perhudica pa medio di su actonan. E sospechoso a wordo representa pa abogado mr. Nicolaas. Algun di esunnan perhudica a presenta den corte pa haci denuncia. Entre esunnan cu a presenta tabata doño di un car rental. Fiscal a acusa S. cu entre december 2009 te 28 di september 2011 el a falsifica contract di huur. Ademas e ta wordo acusa di a malversacion di placa di un car rental, malversacion di personanan pa medio di bende nan autonan. Fiscal a bisa cu e sospechoso ta laga parce manera e tabata autorisa pa bende e autonan. Fiscal a presenta na hues documento cu sumanan menciona. Abogado mr. Nicolaas a rec-

lamo cu e no ta di acuerdo pasobra e no a prepara su mes riba e sumanan aki. Abogado mr. Nicolaas a bisa hues cu anterior el a pidi investigacion riba sumanan pero no a haya nada. E ta haya cu e kier mira e sumanan pa determina si esakinan ta cuadra cu loke ta wordo denuncia. Hues a remarca cu e tampoco no a prepara su mes riba e sumanan aki. E pregunta ta si por sigui cu e caso of miho pospone esaki. Abogado mr. Nicolaas a menciona sentencia di corte supremo di december 2012 caminda ta papia cu mester haci investigacion pidi pa abogado pero nada a sosode. Tin un documento presenta pa e car rental caminda e sospechoso S. ta reconoce su culpa pero el a pidi na hues comisario pa amplia e investigacion. Segun e abogado e kier tin claridad pa cu cuanto placanan a wordo malversa. Den e

documento no ta menciona sumanan. Hues a bisa cu e tambe lo kier prepara su mes. Fiscal a bisa cu e sumanan cu e ta menciona riba documento ta loke e sospechoso S. a declara. Abogado mr. Nicolaas a reacciona cu e kier investigacion administrativo pa determina si e sumanan no a wordo deposita den caha di e compania. Hues a menciona cu tin 15 contract di huur di 2011 y e mayoria ta di september y augustus. Hues a papia cu propietario di e car rental kende a splica cu e no sa si a paga e placa di borg. Hues a remarca na abogado cu si no tin un bista cla cuanto tempo e persona a keda cu e auto. Hues a pidi e propietario cu e kier un bista di e contractnan di augustus, september, october, november y december 2011. Hues a bisa cu e caso ta wordo posponi pa dia 3 di april 2014. □

## Auto precedente di ladronicia a wordo kima patras di IPA na San Nicolas



**ORANJESTAD** - Diasabra pa mas o menos 2'or di marduga, brandweer a wordo manda pa un auto na candela net patras di IPA na San Nicolas. Na yegada bombonan a topa cu un auto completamente na candela riba e tereno bashi patras di IPA. Mesora nan a cuminsa combati e candela feroz aki cu a pega un pida di e mondi seco banda pabao caba na candela. Nan a logra combati y paga e candela hopi lihe. Na e sitio nan a nota cu ta trata di un Nissan Sentra cu number A 240. Constantermente e antisocialnan cu ta horta auto ta bay cu nan pariba di brug y ta cende nan na candela. E caso aki tambe ta den man di team di recherche encarga cu ladronicia di auto. □



## Candela chikito na Pastechi House



**ORANJESTAD** - Diasabra merdia alrededor di 12'or, brandweer a wordo manda cu urgencia den Gutenbergstraat. Na prome instante tabata papia di e cushina di Pastechi House tabata na candela. Na yegada, personal di brandweer a papia cu personal di Pastechi House y nan a splica brandweer cu den e fan pa saca huma lo tabata tin un kortsluiting y esaki a cende na candela chikito, nan mes a logra paga e candela aki. Personal di brandweer a pasa controla den e luga y no a topa cu nada particular. Elmar tambe a wordo poni na altura pa asina haci un control riba e instalacion di coriente. □

## Accidente frontal na altura di Centro Hubenil Washington

**ORANJESTAD** - Diasabra den oranan di atardi patruya di Noord a bay cu urgencia na altura di Centro Hubenil Washington. Aki nan a bin topa cu un accidente frontal cu tabata tin basta daño material y un persona herida. Pa un of otro motibo e Hyundai Getz a kita na su man robes y a bay dal frontal contra un Celta cu tabata biniendo for di direccion di pazuid. Ambulance a presenta na e sitio y a transporta e herido pa hospital. □



## Homber a menasa damanan cu machete



**ORANJESTAD** - Diadomingo marduga dilanti Texaco Sasaki, un homber a menasa un grupo di dama. E homber a saca machete y a bisa nan cu e lo mata nan. Patruya di Noord a yega basta lihe, pero e homber mes a baha na awa. E homber tabata den un Tercel A-57172. Patruya a busca den bisindario despues di a tuma datonan, a topa cu e auto den Schotlandstraat. E homber a keda deteni di biaha pa menasa y a confisca e auto. □

## Accident na e crusada di Driemasterstraat y Venezuelastraat



ode un accidente na e crusada di Driemasterstraat y Venezuelastraat, banda di United Dinner na Madiki. Mesora a pidi pa presencia di polis y ambulance.

Un Kia Picanto tabata riba e caminda di preferencia Driemasterstraat bayendo direccion panort y e Hyundai berde tabata biniedo di pabao y no a duna e KIA Picanto preferencia y a sali su dilanti. E impacto a laga un persona herida. Ambulance a trata e persona na e sitio y despues a transporte pa hospital. □

**ORANJESTAD** - Diasabra den oranan di anochi a sos-

## Homber ta cay y keda herida riba e pier di baranca dilanti Divi Phoenix



**ORANJESTAD** - Dialuna anochi algo prome cu 10'or di anochi, polis y ambulance a wordo manda cu urgencia na Divi Phoenix pa un cabayero cu lo a cay riba e pier di baranca dilanti di Divi Phoenix. Na yegada nan a topa cu un menceer cu

a bay pisca cu su yiu riba e pier, pero pa un of otro motibo a haci un mal movecion y a perde balans, cay y keda herida. E menceer tabata tin hopi dolor na su lomba, personal di ambulance a trata e homber na e sitio y a transporte pa hospital. □

**PAN AMERICAN LIFE**  
INSURANCE OF ARUBA  
*A member of the Pan-American Life Insurance Group*

### ! AVISO IMPORTANTE

Relaciona cu e ley di Labamento di placa y Financiamiento di terrorismo (AB 2011 no. 28) cu ta exige tur companianan di servicio financiero pa cumpli cu e proceso di completa file di tur cliente.

Nos di Pan-American Life Insurance Company (antes ALICO) kier invita tur nos clientenan pa bishita nos oficina na L.G.Smith Blvd 160, Sun Plaza Mall Suite 100 durante e siguiente dianan:



**Diamars 4 di maart te cu diabierna 28 di maart 2014**  
**Orario: 8'or di mainta te 5'or di atardi**

#### Clientenan mester trece:

- \* **Prueba di identidad valido** ( paspoort, cedula of rijbewijs )
- \* **Prueba di adres** ( p.e. recibo di compania di utilidad –Elmar–WEB–Setar–Cable of Uttreksel di Censo )

Tambe nos lo actualisa bo datonan personal dor di laga completa un formulario. E motibo principal ta si nos no cumpli cu e exigencianan di e ley, Banco Central por obliga PALIG pa blokea i/of cancela bo polisa di seguro si bo file no ta completa cu e informacionnan pidi den e anuncio aki.

Si bo tin cualkier pregunta referente esaki, por tuma contacto libremente cu nos na telefon **582-1184, 583-0433 of 582-1672** i nos personal tey pa sirbibo.

**Pa bo proteccion y continuidad di nos servicio nos ta urgi bo cooperacion.**

**Di antemano masha danki!**

*People You can Trust for Life ~ Confianza toda la Vida*

## Amigo burachi kier a maltrata su amiga

**MOKO** - Diabierna 01.05, central a manda patruya na un cas na Moko pa un persona no desea. Na e sitio polis a papia cu e muhe Z.L.M.S., kende a bisa cu su amigo P.G.I.T., a bin cas cu un conducta agresivo y kier a maltrat'e. Polis a hiba e homber su cas pa evita mas problema

## Homber a duna keho di ladronicia di su auto

**PALMBEACH** - Diabierna e homber R.V. a bay warda di polis pa duna keho di ladronicia di su auto. Ta trata di un Nissan Sentra color biña cu e number A -18622. Polis a tuma e keho.

## Ladron a cende auto cu nan a horta na candela

**SAN NICOLAS** - Diabierna 00.58, central a manda polis riba un caminda pazuid di Hong Kong Supermarket den Bernardstraat, na unda cu un auto Nissan Sentra A -18622 tabata na candela. Na e sitio polisnan a topa cu e auto cu ya a wordo paga pa bombero. E auto tabata parcialmente kima na e parti ariba. E parti abou, ainda tabata mustra intacto. Tur e cuatro tirenán tabata ainda na e auto. Takelwagen di Papito Towing a bin na e sitio y a hiba e auto warda di polis na Santa Cruz pa mas investigacion. Joyriding Team a wordo poni na haltura.

## Habitante ta kima blachi mata y ta molestia bisiña

**SABANA LIBER** - Diabierna 08.01, central a manda polis na Sabana Liber Villas, na unda e denunciante tin problema cu huma. Na e sitio polis a papia cu e denunciante R.L.M., kende a bisa cu su bisiña di e cas Sabana Liber Villas tabata kimando sushi.

Polis a bay na e bisiña y a papia cu e muhe V.C.M., kende a bisa cu e ta kimando algun blachi seco. Polis a must'r'e cu otro biahá e mester hiba e sushinan dump pa no duna otro hende molester. El a compronde.

## Polis a detene homber basta burachi

**PONTON** - Diabierna 08.12, central a manda patruya den Caya E. Petronia, na haltura di Wema Ponton, na unda un homber tabata para ta orina riba caminda publico. Otro informacion cu central a duna ta cu supuestamente e homber ta bou di influencia di alcohol of di un of otro substancia y tabata purba core bay cu un Toyota Yaris. Na e sitio polis a mira dos homber banda di e auto para. Un di e homber nan a bay cerca polis y a bisa cu el a mira e otro homber drumi den e auto cu e auto gestart y el a saca e yabi. Polis a bay cerca e otro homber di inicial A.J.P.C., kende tabata papia cu lenga pisa y wowo cora y tabata hole sterki di alcohol y no por a para bon riba su pianan. Polis a mira cu e tabata bou di influencia di alcohol riba caminda publico y relaciona cu esey, nan a detene e homber A.J.P.C.. El a wordo presenta dilanti fiscal auxilia. Despues a hib'e warda di Santa Cruz, na unda el a keda cera pa buracheria.

## Ladron a bay cu auto y un laptop

**SHABA** - Diabierna 09.05, e homber di inicial M.A.S.G. a bay warda di polis na Shaba pa duna keho di ladronicia di un Nissan Sentra blanco A-39547 di e aña 1989. E ta bisa cu dia 13 di maart, mas o menos banda di 22.00, el a para e auto dilanti hotel Ritz Carlton y diabierna 07.00, ora cu el a bolbe, el a mira cu su auto no tabata para mas eyan. Den e auto tabata tin un laptop preto marca Toshiba. Polis a tuma e keho.

## Ladron ta laga auto horta na Bakval

**BAKVAL** - Diabierna 10.40, central a manda polis na Bakval pa un auto cu a wordo laga atras. Na e sitio nan atopacu un auto Nissan Sentra Shinishi A-30926. Oracu controla, a resultacue auto a wordo horta, pero a keda intacto. Takelwagen a bin na e sitio y a hiba e auto warda di polis na Santa Cruz.

## Homber a lubida riba palabracion pa cambia taira

**SABANA BASORA** - Diabierna 10.02, e muhe di inicial O.H. a bay warda di polis y a bisa cu e tabata tin un palabracion cu un homber desconoci pa cambia tairanan di su auto Volkswagen. El a bisa cu e homber a cambia solamente dos tire, despues no a bin mas su cas. El a declara cu esey a tuma luga tres siman pasa. Despues di investigacion a resulta cu e homber ta G.J.P. cu ta biba na Sabana Basora.

Polis a manda patruya na e cas y a papia cu G.J.P. y el a declara cu el a lubida di e caso y cu e mesun dia e lo bay na e cas. Tambe el a bisa cu ainda e mester duna O.H. un taira. Polis a tuma contacto cu H. y a pone na haltura.

## Homber a cumpra cuminda y a sali bay sin paga

**PIEDRA PLAT** - Diabierna 11.30, central a manda polis na Mido Restaurant pa un mal pagado. Na e sitio polis a papia cu e muhe di inicial I.W., kende a bisa cu un rato prome un homber a drenta den e luga.

El a cumpra cuminda, un paki di sigaria y dos refresco pa un suma di 41.50 y a sali bay sin paga. El a bisa cu el a mira e homber drenta den un SUV Honda ya core bay. Ora cu polisnan a controla e auto, e number ta pertenece na un cas na Bubali. Polis di Noord a bay na e cas y a papia cun'e. Despues a resulta cu ta trata di e homber G.H. y a bisa cu e ta bayendo Mido Restaurant pa paga e debe.

## Hoben ta ocasiona pelea y e mes ta core bay

**SANTA CRUZ** - Diabierna 12.25, central a manda polis na EPB Santa Cruz pa un pelea. Eynan polis a papia cu e maestra di e scol y e ta bisa cu dos colega a bay tras di e bringadonan direccion di oficina di rijbewijs. Tambe Unidad di K-9 a meld cu tras di ex Credit Union, tin un grupo di mucha ta core.

Polisnan a bay mesoraya papia cu e dos muchanan D.y.M. kende ta supuestamente e dos bringado. E maestro B. tambe tabata na e sitio y a bisa cu e mucha homber J. ta esun cu a ocasiona e problema. Na yegada J. no tabata mas na e sitio. Polis a scual e dos muchanan debidamente riba nan comportacion.

## Ladron a drenta cas na Santa Cruz

**SANTA CRUZ** - Diabierna 14.45, central a manda polis na un cas na Santa Cruz pa un kiebrot. Na e sitio polis a papia cu e muhe S.M.. E ta bisa cu ora cu el a caba di traha, el a bay cas. E ta bisa cu el a drenta paden pa medio di e porta dilanti y a mira cu e porta patras tabata kibra y tur su cosnan tabata riba vloer. E no sa kico e ladron a bay cun'e, pero lo bin despues warda pa duna keho.

## Homber ta haya credit card den mata

**SHABA** - Diabierna 15.00, e homber di inicial G. a bay warda di polis y a entrega polisnan un credit card preto cu el a haya den e matanan panort di Arashi. E credit card ta pertenece na F.S. Kehó di e credit card aki a wordo tuma pa medio di polisnan di beach. E credit card a wordo entrega na polisnan di beach.

## Muhe pecho afo tabata tuma solo

**EAGLE** - Diabierna 14.55, central a manda polis na e beach dilanti di Screaming Eagle Restaurant pa un muhe pecho afo. Na e sitio polis a mira un turista cu su curpa ariba sunu. Polis a bay papia cun'e y el a bisa cu e no ta na haltura cu ta prohibi. El a bisti e top di su bikini y a ofrece su disculpa.

## Colombiano ilegal haya durante control di trafico

**TANKI FLIP** - Diabierna 08.15, durante control di trafico, e homber di inicial M.D.Q naci na Colombia di nacionalidad Colombiano a wordo para. E no por a duna ningun papel di estadia valido. Polis a yama Warda nos Costa y despues di a controla a resulta cu e ta ilegal for di 16 di september 2010.

E sospechoso a keda deteni y hiba warda di polis na Shaba. Personal di Warda Nos Costa lo sigui cu e procedura di su deportacion.

Segun minister Arthur Dowers:

## Husticia tin e recursonan humano y ekipo pa enfrenta disturbio y calamidadnan



**ORANJESTAD** - Despues di mas of menos dos siman di preparacion, Cuerpo Policial Aruba, Korrektie Instituut Aruba (KIA) y Cuerpo Especial Arubano (CEA) a tene tres accion grandi hunto cu Marina Real, unda cu nan a presenta e escenario di un re-



di dos grupo cu a uni y tin un cabesante, kende tin dos assistent entre e presonan. Unidad Mobil prome a purba di negosha cu esunnan envolvi y ora esaki no a funciona, Cuerpo Policial a pidi asistencia di Marina Real y a yama aden tambe su mesun unidad di K9, como tambe e teamnan di K9 cu ta traha den KIA.

Minister Dowers a splica cu for fin di aña 2009, gobierno a bin ta trahando riba establecimiento di diferente team den y cu Cuerpo Policial, incluyendo e Unidad K9 y un team combina di CEA y KIA cu por actua den caso di cualkier disturbio. E titular di husticia a remarca cu tabata muestra ultimo tempo cu tin gruponan cu ta muestra señalnan di ta buscando pa causa disturbio den KIA.

El a subraya cu e entrenamiento aki ta muestra cu Cuerpo Policial y otro servicionan riba tereno di husticia ta bon prepara, tanto pa loke ta recursonan humano y entrenamiento, como tambe materialnan, ta cla pa actua y enfrenta cualkier eventualidad di biaha.

Por a wak cu e accion tabata dirigi, segun Minister Dowers, na baha e risico pa cos bay malo, como tambe pa pensa y traha pro activo pa reduci e posibel dañonan. Minister Arthur Dowers a presencia un gran parti di e entrenamiento y a keda satisfecho cu e forma con e diferente partnernan a bin den accion y a resolve e situacion di e supuesto rebelion di e prizoneronan. □

belion den prizon y un caso na waf di Oranjestad. Minister di husticia, mr. drs. Arthur Dowers tabata presente na e di ultimo sesion di entrenamiento cual a tuma lugan e ex prizon na Dakota, unda cu a presenta e escenario di un rebelion di prizonero. Sargento mayor di Marina Real, Jean Willem Hof a splica cu e dos sesionnan na Dakota a bay compaña cu basta "violencia" pasobra aki ta trata di "criminalnan", mientras esun na waf tabata concerni comunidad y a wordo manteni mas trankilo. Minister Dowers a ricibi informacion amplio tocante kico a pasa, con e organisacion ta hinca den otro y cua pasonan autoridadnan ta tumando pa mancha e situacion, stop e rebelion y sigura cu tur preso ta wordo poni bek den nan cel of den otro espacio unda cu nan ta teni bao control. E escenario cu a presenta ta

### red sail sports. ARUBA VACANCY

Aruba's finest water sports facility, is looking for  
**Part Time & Full Time Retail Associates**

#### Requirements

- Minimum MAVO education
- Retail experience
- Computer skills
- Fluency in English, Dutch & Spanish
- Outgoing, pleasant personality & a team player
- Willing to work during weekends & holidays



#### We Offer

- Pleasant working atmosphere
- Competitive salary
- Great benefits

Please feel free to pass by our office at J.E. Irausquin Boulevard 348 - A  
You can also contact us by dialing (297) 5861603 or  
e-mailing our HR department at shanna@redsailaruba.com



René Herdé di AVP

# Tur partido sin distincion ta riba un liña contra regulacionnan di trafico di hende den reino

**ORANJESTAD** – Segun René Herdé, lider di fraccion di AVP, tur partido den parlamento y tambe e demas otro partidonan cu tabata miembro di parlamento, ta para riba un liña contra regulacionnan di trafico di hende den reino.

A bisa esaki den otro intencionan cu miembronan di parlamento Hulandes a yega di propone pa regula entrada di ciudadanonan di e islanan di parti di reino di Caribe. E partidonan tabata contra tur.

## Ley di Bosman

Tin tratamiento na Hulanda den Tweede Kamer riba un ley cu a haya number di Ley di Bosman. E ley di Bosman

tin un historia di un preocupacion den comunidad Hulandes pa grupo chikito di hobennan cu ta causa molestia na Hulanda. El a bira un problema cu tur partido politico di un of otro moda a expresa nan preocupacion, a expresa nan deseo pa un solucion. Solamente e ley di Bosman no ta un solucion.

## Dos nivel di ciudadano?

Herdé ta sigui splica cu nos ta un reino, nos tin un paspoort. No tin dos diferente paspoort. No por tin dos diferente nivel di ciudadano den reino. Dia cu Bosman di october 2010 a entrega su prome mocion den direccion aki, diferente partido na

Hulanda a lanta para y a bisa mesora cu e mocion y cualquier ley cu Sali for di dje ta inconstitucional. Tabata den sala na momento cu esey a sosode. Partidonan a expresa explicitamente y ta di acuerdo, cu e tipo di ley aki ta inconstitucional contra constitucion di Hulanda, contra espiritu di Statuut, contra cualquier forma pa regula trafico di hende, entre paisnan di reino. A bisa esey, otro partidonan a bisa esey y a para riba esey te awe.

## Preocupacion Hulandes

Gobiernonan di Aruba y parlamento, a expresa mocionnan. A pone den documentonan oficial y den con-

ferencianan e punto di bista bon cla. Januari cu a pasa durante IPKO na Corsou, a bisa bon cla cu esaki no ta e forma. Ta compronde e preocupacion Hulandes, pero e instrumento aki no ta aceptabel, Herdé a expresa.

## Solucion na cas mes

E instrumento cu si ta wordo mira, pa e problema di hobennan cu poco educacion, poco oportunidad, ta bay Hulanda, ta di soluciona e problemanan aki na cas den e islanan di Caribe, cu medida, cu forma cu instrumentonan social, economico, educativo. Si ta wak iniciativanan cu e paisnan den Caribe a tuma, ta netamente esey. Especialmente nos isla ruman Corsou. Solucionnan den area di educacion pa crea mas oportunidad pa e hobennan. Pa crea oportunidadnan di trabao, iniciativanan den area social economico.

Problema minimal pe hoben Arubiano

E motibo cu na Aruba, aunke e problema ta toca nos hopi menos, pasobra e calidad di hoben na Aruba cu ta haya nan mes den situacionnan ta



minimal. Nos muchanan di Aruba ta bay pa studia. Caba of no caba, nan ta bay traha. E problema pa nos ta minimal, segun Herdé. Sinembargo asina mes nos semper a accentua e necesidad di mehoracion di enseñanza pa tur nos muchanan.

Esunnan cu ta keda aki na Aruba y esunnan cu ta pensa pa bay afo, semper e liña tabata enseñanza ta un instrumento pa mehora calidad di bida, pa crea trabao, pa crea oportunidad, unda cu nos hendenan ta. Pa nos aki na Aruba no tin discusion, Herdé a comenta. □

Segun parlamentario Drs. Mervin Wyatt-Ras:

# E ley di Defensor di pueblo ta haci gobernantenan responsabel pa nan actonan

**ORANJESTAD** - Recientemente parlamento di Aruba a haci un bishita di trabao na e Defensor di pueblo na Corsou. Esaki den cuadro di trabounan cu parlamento ta haciendo pa por pasa e ley aki. Aki e delegacion, hunto cu e presidente di Parlamento di Aruba y di Corsou a ser bon ricibi pa medio di e defensor di pueblo di Corsou, sra. Alba Martijn y su team. E instituto di Defensor di pueblo ta un organo independiente. Tarea di un defensor di pueblo ta a base di un peticion of riba su mes, investiga comportacion di gobernantenan y empleadonan publico. E drempele pa un ciudadano yega cerca e defensor di pueblo ta abou. E ta investiga si ta cumpli cu principionan di bon gobernacion pa despues duna un huicio tocante nan actuacion y duna recomendacion pa coregi e actuacion. Defensor di pueblo por interveni of intermedia pa yega na un solucion pa e keho. Esaki sigur lo beneficia nos pueblo y lo contribui na bon gobernacion di un pais. Wyatt-Ras ta di opinion cu gobernantenan sigur mester responde pa nan actonan y tin cu cumpli cu nan tarea di trato igual pa tur ciudadano y e ombudsman sigur lo duna un gran contribucion na esaki. Mervin Wyatt-Ras ta haya alabes nec-



esario pa Aruba institui un ombudsman pa mucha. Esaki e parlamentario aki a yega di vocifera na varios ocasion den parlamento y hasta den un mocion entrega hunto cu sra. Lopez-Tromp durante reunion publico. Mirando cu nos muchanan y nos hubentud ta vulnerabel ta di importancia, e trato pa cu nan mester ta uno igual y profesional. Mescos cu pa adulto sa wordo experiencia cu ora ta trata nos muchanan cu cierto

problema, nan y nan mayor no ta satisfecho cu e trato cu nan ta haya di instancianan. Te ainda por tende di mayor nan cu ta wordo manda di un instancia pa otro sin sinti mehoracion di nan problema. En bista di e importancia di yuda un mucha pa preveni mas problema ta necesario pa introduci un ombudsman pa mucha tambe. Corsou tampoco no tin un ombudsman pa mucha, sinembargo ta den preparacion pa cu esaki. □

# Parlamentarionan Roos y Wyatt-Ras a reuni cu parlamentario di Corsou sr. Davelaar

**ORANJESTAD** - Durante e bishita di trabao di parlamento na Corsou, en conexion cu tratamento di leyman di Ombudsman y independisacion di parlamento, Mervin Wyatt-Ras y colega Norman Roos di e comision di bienestar general, famia, hubentud y salubridad publico a haci un bishita na colega parlamentario Davelaar, encarga cu salubridad den parlamento di Corsou. A intercambia encuanto e importancia di nos paisnan pa asina traha hunto ariba diferente aspectonan di salubridad publico. Nos por coopera, sostiene otro y siña for di otro. □



Segun Gerick Croes di partido MEP:

## Habitantenan di Pos Chikito cu preocupacion persistente pa nan salud

**ORANJESTAD** - Den un conferencia di prensa cu a tuma luga dia 12 di maart 2014 nos fraccion a vocifera preocupacionnan reinante di habitantenan di Pos Chikito dor cu nan ta sinti cu nan salud ta na riesgo pa medio di ta exponi na asbest. Nos a wordo informa cu WEB lo ta eliminando liñanan di tuberia cu ta existi desde añanan '60 y cu den ultimo dianan ta turno di Pos Chikito. Nos a haci un recorrido hunto cu habitantenan di Pos Chikito y a constata cu por tin riesgo cu e area por ta contamina y cu e habitantenan por of kisas a wordo exponi na particularnan di asbest. Tur hende sa

cu ora bo ta traha cu asbest, medidanan nan necesario lo mester tuma luga teniendo cuenta cu e hecho cu asbest por resulta di ta peligroso y cu hasta consecuencia pa salud di hende. Un di e prome pasonan cu lo mester tuma luga ta informa e habitantenan di e area over di e trabounan pa asina e habitantenan por ta preveni di e peliger. Durante e comienso di e trabounan un habitante di e area a ripara y a bay reclama nan. Pa medio di su intervencion nan a bin tapa un parti di e tubo pero tampoco na e forma apropiada. Varios ta e habitantenan cu a keha cu nan no a wordo informa debidamente. Den Pos

Chikito tin personanan cu ta sinti cu nan a wordo afecta pa medio di esaki. Ta di remarca cu e tubonan aki ta core for di Zeewijk te cu WEB y ta pasa banda di un scol den Pos Chikito. Den e ultimo 2 añanan a cambia tubonan tambe cu ta pasa den area di Savaneta. Despues di un dia di e conferencia di prensa di nos fraccion WEB Aruba N.V. a haci un invitacion na e habitantenan di Pos Chikito pa por presenta na un anochi informativo cu a tuma luga dia 13 di maart 2014. Nos tambe a bay e anochi informativo caminda cu hopi informacion a wordo duna y habitantenan por a trece nan

puntonan di bista dilanti. A pesar cu e reunion ta uno cu a wordo yama riba man nos fraccion ta aprecia e hecho cu WEB kier a trece claridad y calma habitantenan di Pos Chikito. E anochi aki WEB a wordo confronta pa medio di habitantenan cu puntonan hopi valido treci padilanti. WEB a admiti cu cierto cosnan no a bay manera mester ta y a compromete nan mes cu cosnan asina lo no pasa mas. Pero e habitantenan a vocifera cu nan ta na peliger y kisas por tin consecuencia caba. E punto di enfoca di e habitantenan ta cu mester ta responsabel ora ta trata di nan salud. Den cuadro di esaki



nos fraccion a dicidi di haci entrega oficial di un "peticion pa un reunion publico" cu tur departamento concerni na presidente di parlamento. Nos ta spera cu nos por trata esaki den e siman aki ainda. Nos fraccion ta pensa cu e caso aki mester wordo trata bou di tur transparencia dor cu e ta delicado y di suma importancia pasobra ta trata di salud di e habitantenan di Pos Chikito. □



**ORANJESTAD** - Siguiendo cu accion di bario di ministerio di asuntonan general di gabinete Mike Eman II, e biaha aki team BoBario cu ta resorta bou di liderazgo di prome minister Mike Eman tabata den Santa Cruz. Prome cu e bishita a cuminsa den e barionan mes, e mandatario a cera conoci cu hobennan di EPB Santa Cruz cu a resalta, pero tambe a haya un splica-

cion y muestra con e hobennan aki ta wordo forma, unda hopi atencion ta wordo duna na enseñanza practico. **EPB STA. CRUZ TIN E SECCION DI CURSO ASPIRANT** E mainta aki e estudiante Jedely Torres tabata anfitrión y maestra di ceremonia gradicendo Prome Minister Eman pa e bishita cu cual "nos ta sinti nos mes masha honra,"

Comunicado di Prome minister:

## Prome Minister Eman a reconoce hobennan positivo cu a resalta riba diferente tereno

el a bisa. Y a agrega cu "semper EPB ta sali den prensa negativo, pero awe nos tin algo cu ta hopi positivo pa e nomber di EPB", e hoben a trece dilanti. E mainta aki, ademas cu prome minister Eman a cera conoci con e scol y e studiantenan ta mancha y aplica agricultura, kier a honra un grupo di 15 hoben cu a resalta. Nan tur a haya un regalo cual a wordo logra cu cooperacion di SETAR, NutzBeatz y Sticky Soundz.

A toca honor na prome minister Eman pa haci entrega di e regalonan aki. E hobennan tabata Ruben Boekhoudt (toca cuarta, wiri y caha di orgel), Darline Gomez (landa special olympics), Shindy Tromp (Pintamento). Esaki ta e grupo di prome año. E studiantenan di segundo año cu a wordo reconoci tabata Tyrone Chirino (baile y actuacion) y Andre Rosel (trabounan radial). E grupo di tres año tabata

Yosmar Wever (ganado di varios medaya den deporte di Taekwondo), Rudolfo Boekhoudt (Agricultor/criado di bestia), Steven Maduro (Agricultor/criado di bestia), Derrick Lacle (Agricultor/criado di bestia), Juli San Erasmus (pa su servicio), Jedely Torres (pa ta servicial), Jennifer Geerman (nunca a yega laat of a keda cas), Lizaira Maduro (nunca a yega laat of a keda cas), Felipe Hill (Bon comportacion y servicial), y Jermaine Sawney (Bon comportacion y Servicial). E entrega di e regalonan a tuma luga den presencia di algun mayor cu a keda encanta cu e reconocimiento cu nan yiunan a ricibi. "Pa mi e tabata un gran placer pa ta aki awe", prome minister Eman a bisa e hobennan na final y a duna un splicacion di e meta tras di e bishita of accion di bario, con kier logra stimula sentido di comunitario bou di e pueblo, manera cu antes tabata existi hopi. □

### PANADERIA MODERNA N.V.

Ta busca

#### "BAKKER"

Por pasa solicita na Avenida Alo Tromp 5  
Of yama na telefon: Tel: 582-1042

Prome cu solicita of yama, mester pasa registra na DPL Seroe Blanco 4, cu un cedula of papel di Afl. 5,= di Registro Civil entre 7:30 - 11:00 di mainta di dialuna pa diabierna.

### PAPIAMENTO RESTAURANT (Seamfo Holding N.V.)

Ta busca

#### DISHWASHER

Por pasa solicita na Washington 61  
Persona di contacto: Eduard Ellis  
Of yama na telefon: 586-4544

prome cu solicita of yama, mester pasa registra na DPL Seroe Blanco 4, cu un cedula of papel di Afl. 5,= di Registro Civil entre 7:30 - 11:00 mainta di dialuna pa diabierna.

### CLASIFICADO

#### SERVICIO

**Smart Elektra**  
electrical installation  
Trouble shooting  
Electrical drawing / inspection  
Tel. 592-5110

*Comunicado di Minister Michelle Hooyboer-Winklaar:*

## Minister a wordo ricibi cu masha entusiasmo pa medio di estudiante y docentenan



**ORANJESTAD** - Den e dianan aki minister di enseñanza, Michelle Hooyboer-Winklaar ta haciendo diferente bishita na scol. E ta wordo ricibi cu masha entusiasmo pa medio di e alumnonan y maestronan di tur scol unda e ta yega. Minister Hooyboer-Winklaar a bishita recientemente St. Jan Kleuterschool y Colegio Laura Wernet-Paskel. Relaciona cu su bishita, Bernadetta Figaroa-Geerman, directora di Colegio Laura Wernet-Paskel a duna di conoce cu semper un minister ta bon bini na scol pa asina muchanan por conoce. “Si Minister di enseñanza kier cera conoci cu tur scol cu ta cay bao di su maneho, indirecto of directo, anto e kier sa e situacion di scolnan y ora nan papia di tal scol e por proyecta den su mente, mi ta haya esaki algo di aplaudi”, asina Juffrouw Etta a indica. Cu e muchanan ta conoce nos mandatarionan ta algo cu ta enrikece nan. Den e caso aki minister Michelle Hooyboer-Winklaar a tuma su tempo pa tin interaccion cu e alumnonan. El a pasa den tur klas y e reaccion tabata hopi bon. “Mayoria di maestro tabata hopi satis-

fecho cu e bishita”, e cabe-sante di Colegio Laura Wernet Paskel a manifesta. Na otro banda, Anne Arends-Hassel, cabesante na St. Jan Kleuterschool tambe a expresa cu e ta felicita e mandatario pa a sali di su oficina pa mira e scol ya cu asina e ta haya sa unda e scol ta situa. Tambe e ta haya un chens di mira na luga di lesa for di papel con e muchanan ta y cera conoci cu e maestranan. Durante di e bishita e maestranan tambe ta haya oportunidad di trece dilanti nan puntonan di atencion. E reaccion di e muchanan tabata varia. “Algun klas a keda manera vries, gewoon nan a keda keto Otro klas nan a saca un cantica y tabata un sorpresa pa mi tambe, pasobra e leidster no a bisa mi cu nan tabata tin un cantica. Despues nan a traha un poesia pe”, juffrouw Anne a laga sa. Minister di enseñanza di su banda tabata masha contento cu e ricibimento cu el a haya di parti di tanto muchanan como di e personal docente. E bishitanan na scolnan lo sigui den e dianan aki caminda e mandatario lo haya e oportunidad di por sigui cu interaccion cu esunnan den veld. □



RAAD VAN ADVIES

### CANCELACION

En conexcion cu motibonan imprevisto Raad van Advies ta cancela e recepcion di 21 di maart proximo.

E recepcion, cual lo a tuma luga na Windows on Aruba tabata pa tuma despedida di mr. A.J. (Arie) Swaen como presidente di Raad van Advies y pa saluda e presidente nobo mr. F.M. de los Santos (Frits) Goedgedrag.

Nos ta ofrece nos disculpa pa e inconveniencia aki.

Presidente y secretaris di Raad van Advies

### ANNULERING

Wegens onvoorziene omstandigheden is de receptie van de Raad van Advies van 21 maart 2014 geannuleerd.

Deze receptie, die in Windows on Aruba zou worden gehouden, was georganiseerd ter gelegenheid van het afscheid van mr. A.J. (Arie) Swaen als voorzitter, alsmede ter verwelkoming van mr. F.M. de los Santos (Frits) Goedgedrag als nieuwe voorzitter van de Raad.

De Raad biedt zijn verontschuldigen aan voor het ongemak.

Voorzitter en secretaris Raad van Advies

# Vice presidente di Democratic Party a entrega su retiro

**Philipsburg, ST. MAARTEN** – E vice presidente di Democratic Party, Stuart Johnson, a renuncia na su funcion y a entrega su retiro tambe como miembro di e partido.

Johnson, kende na juni lo cumpli 30 aña, ta activo den e partido cora desde cu e tin 14 aña. E partido aki tin basta tempo caba bou liderazgo di Sarah Wescot-Williams.

Johnson ta acusa e partido di inconsistencia. Tambe el a duna como motibo di su retiro cu lider di partido di tin un mentalidad di superioridad y cu no ta duna oido na miembronan di partido. Johnson a duna di conoce cu e lo no ofrece candidatura na niun otro partido pa eleccionnan venidero.

Presidente di DP Michael Ferrier den un comunicado a bisa cu Johnson a pidi pa por firma algun documentonan importante di partido of e lo entrega su retiro, y como tal, Johnson a scoge



pa entrega su retiro. Mas detaye no a wordo duna pa Ferrier tocante e contenido di e documentonan. Johnson ta nenga cu el a haya un ultimatum for di Ferrer y ta reta e president di partido pa bin cu prueba pa cu esaki. □

# No mester core cu e grupo problematico, pero mester busca un solucion pe problema

**Hilversum, HULANDA** – Prome Minister Hulandes Mark Rutte dialuna den e programa Pauw en Witteman a sali na defensa di Antiano y Marocanonan cu ta bibando bon na Hulanda.

Segun Rutte, tin hopi Antiano y Marocano cu lo mester pone esakinan riba pedestal, ya cu nan ta esunnan cu ta duna un contribucion positivo na e pais.

Prome Minister Rutte a sigui bisa cu den e comunidad Antiano y Marocano tin personanan cu ta extensivamente representa den e estadistica criminal, den e estadistica di hobennan cu no ta caba scol. E grupo aki no necesariamente mester core cu nan, pero e problema ey bo mester aborda nan.

Rutte no ta haya cu ta bon pa culpa tur pa loke un grupito ta haci. Esaki ta stroba e proceso di yudansa pa e



grupo problematico. E declaracionnan aki ta bin despues di un discusion siman pasa na Hulanda relaciona cu declaracionnan di Geert Wilders di PVV, unda e ta bisa cu e lo tin kier pa tin menos Marocano na Den Haag. Esaki ta trece reaccionnan fuerte, entre otro di PvdA. □

# Red di mula Venezolano desmantela

**Willemstad, CORSOU**– Autoridadnan policial a realiza detencion di tres homber Venezolano na aeropuerto Halto, mientras na Hulanda a realiza detencion di seis otro sospechoso, tur di nacionalidad Venezolano. Tur e detencionnan tabata relaciona cu un investigacion, den cual tin indicacion cu e sospechosonan a haci nan mes culpabel na traficacion di droga. A realiza algun entrada hudicial tambe na Bapor Kibra, den cuadro dje investigacion. Notisia360 for di diamars dia

11 di maart tabata na altura dje detencion i entradanan hudicial realisa, pero pa no stroba e investigacion cu tabatin andando, no por a publica e enfermo aki mas prome. Pero tabata dia 11 di maart cu e division cu ta combati crimen organisa den cooperacion cu autoridadnan di diferente pais a haci un investigacion relaciona cu un red criminal cu tin sospecho riba dje cu ta manda cocaina for di Corsou pa Hulanda. Durante di e investigacion aki a haya bista riba un grupo di homber

cu tabata biaha di Venezuela pa Corsou y despues ta haci contrabanda di cocaina for di Corsou pa Hulanda. Tabata diamars 11 di maart cu duana a detene tres (3) di e nueve(9) nombrenan Venezolano sospechoso na aeropuerto Halto como sospechoso den traficacion droga pa Hulanda. Riba indicacion di e division cu ta combati crimen organisa, a detene e sobra seis(6) sospechosonan Venezolano na Schiphol Hulanda, como sospechoso den contrabanda di

cocaina. Despues cu a detene tanto e sospechosonan na Corsou como na Hulanda, a saca potret di rayo X di nan y a resulta cu tur nueve (9) sospechoso tabatin un cantidad di 'bolita' den nan stoma. E nombrenan sospechoso detene na Corsou ta, J.A.M.L., 37 aña di edad, J.P.H.C., 24 aña di edad y J.G.B.U., 24 aña di edad. Tur ta di Venezuela. E tres(3) sospechosonan detene na Corsou a guli 213 'bolita' cu un peso total di aproximadamente 3006 gram. E can-

tidade y peso di e nueve(9) sospechosonan detene na Hulanda no ta conoci. E conexio cu detencion di e sospechosonan aki, e division cu ta combati crimen organisa a haci un entrada hudicial na algun apartamento na Bapor Kibra na unda e sospechosonan tabata huesped. Den un di e apartamentonan a haya restonan di substancianan cu ta uza ora di guli 'bolita'. A confisca tanto e bolitanan y e sobra articulonan pa mas investigacion. E investigacion den e caso aki ta continua □

**Señor Frog's Aruba dba JOBEM N.V.**  
J.E. Irausquin Blvd. 348 A, Palm Beach, Noord

**Ta Busca:**

- \* Busboy of Busgirl
- \* Manager
- \* Entertainer

---

Prome cu solicita of yama, mester pasa registra na DPL Seroe Blanco 4, cu un cedula of papel di Afl. 5 di Registro Civil Entre 7:30 - 11:00 mainta di Dialuna pa Diabierna

**SAVING THE WORLD**  
FROM BOREDOM.

## Lo cuminsa cu control riba prijs di productonan di prome necesidad

**Kralendijk, BONEIRO** – Dentro di poco autoridadnan competente lo cuminsa cu control di prijsnan riba productonan basico. Na Boneiro a introduci un prijs fiho, pa asina yuda e poder di compra. Door di esaki e prijsnan maximo riba productonan di prome necesidad a wordo fiha. Esaki ta sosode via di un decreto. Tiendanan cu ta bende productonan di prome necesidad a haya un lista di e prijsnan maximo. Dentro di poco lo cuminsa controla si e tiendanan en berdad ta tene nan mes na e prijsnan stipula. Si esaki no ta e caso, e tienda en cuestion lo haya un proces-

verbaal. E control lo cuminsa dentro di poco y por sosode na cualkier momento. E stipulacion di prijs ta forma parti di un serie di medida cu lo mester zorg pa un mehora riba e mercado local. Ta prome biaha desde 2008 cu Boneiro ta bin cu un stipulacion di prijs. □

# Weekend cu derame di sanger na Corsou

**WILLEMSTAD** — Corsou a wordo sacudi pa un dobel homicidio sigui pa asesinato di un figura conoci den farandula. Minister di Husticia Nelson Navarro ta duna di conoce cu ta trahando ariba un plan pa saca armanan ilegal for di circulacion.

Ayera madrugada DJ Renzo Soleana a fayece na hospital despues di un atentado ariba su bida dialuna anochi. Tabata den careda di 20.55'or, cu Central di Polis a haya notificacion di un caso di tiramento cu a tuma lugha na un cas na Schonegevelstraat. E patruya policial cu a yega na e sitio a topa cu dos homber drumi abou den cura di un cas, ambos cu herida di bala na nan curpa. For di un investigacion preliminar cu polis a realisa na e sitio e otro victima, un homber di 35 aña cu a ricibi tiro na su pia y a keda na tino, a declara cu nan dos tabata sinta pafo di cas y nan a wordo sorprende pa dos homber cara tapa y cu arma di candela den man.

E dos sospechosonan a los tironan dirigi riba nan, bayendo despues na pia for di e sitio. Te caminda esaki ta posibel y bou di circunstancianan presente, por a nota cu Renzo Soleana a keda cu varios perforacion di bala na e parti abou di su curpa. Ambulance cu a presenta na e sitio a transporta tur dos victima pa Policlinica di SEHOS pa tratamiento medico. Soleana su situacion ya caba tabata duna hopi preocupacion. Na e sitio polis a confisca un cantidad di catuchi den cura

di e cas. Motibo di e tiramento na e momentonan aki ta den investigacion.

Na hospital, dokternan a haci tur loke ta na nan alcance pa trata di scapa Soleana, pero considerando e area caminda e balanan a penetra, tabatin hopi daño y nan esfuerso a resulta envano. Awe madrugada den careda di 03.28'or polis a ricibi e notificacion cu Gracielo Renzo Soleana, naci na Corsou dia 27 mei 1974, a fayece na Hospital como consecuencia di e heridonan di bala cu el a ricibi. Ayer henter dia e radio emisora Mas, na unda Soleana tabata labora, a toca musica di luto.

## Dobel asesinato

Prome cu esaki, Corsou ya caba tabata na luto. Dialuna mainta den careda di 06.50'or, Central di Polis a haya informacion di un persona cu a pasa den e area y a descubri un curpa sin bida canto di un mondi riba e caminda di Willibroodus pa Bullenbaai. Na yegada di e patruya policial na e sitio nan a bin topa cu dos curpa na e sitio. Un homber drumi abou canto di un mondi no masha leu for di e caminda di tera y un dama un tiki mas paden di e mondi tambe drumi abou. Te caminda esaki ta posibel y bou di circunstancianan presente por a nota cu e curpanan sin bida tabatin perforacion di bala den cabes. Den bisindario polis a confisca un cantidad di catuchi di bala. Alrededor di 08.45'or dokter di polis a constata morto di



e victimanan. Riba ordo di Fiscal di Ministerio Publico a confisca e curpanan sin bida, pa mas investigacion. E motibo cu a conduci na e asesinato aki no ta conoci y ta den investigacion. Departamento di Recherche ta continua cu e investigacion, asina Polis a informa. Den

transcurso di dialuna, famianan a identifica victimanan respectivamente como Nikita Catharina Attaf, naci na Corsou, 12 juni 1990 y Shendrick Emanuel Randt, naci na Corsou, 27 mei 1996. Attaf ta laga un yiu chikito atras. Hopi tabata y ta ainda e spec-

ulacionnan rond di e caso aki. Riba e perfil di Facebook di e victimanan por a tuma nota di diferente remarca cu investigadonan ta studiando. Esun di Attaf ta haci mencion cu e lo kier 'likida su mama'.

## Circuito criminal

Aworaki na Corsou e conteo ya caba ta na un total di nueve asesinato desde cu aña a habri, cu cinco cometi den apenas un par di siman y tres morto den dos dia. Caribisch Netwerk ta duna di conoce cu ayera nochi, un grupo di ciudadanonan preocupa a tene un manifestacion na Plaza Brion. Tin hopi presion awo ariba Minister di Husticia Nelson Navarro, cu ta declara di su banda cu e ta sospecha cu den tur dos e asesinato aki ta trata probablemente di likidacion den circuito di droga. E minister ta bisa cu tur esaki ta resultado di negligencia di e hubentud ariba e isla y cu hobennan na Corsou awendia ta enfoca ariba un bida di luho y placa lihe danki na crimen.

Pa loke ta un plan concreto pa combati esaki, Navarro a bisa cu ta trahando ariba un plan pa saca armanan ilegal for di circulacion. Ministerio Publico, RST, Wardacosta y Polis lo a haci un analisis caba di for di unda e armanan ta bin y con nan la ta drentando Corsou. "Awo ta cuestion di confisca e armanan aki. Pa por haci esaki nos ta trahando un plan awo", asina Navarro a declara. □

# MESTER DI PLACA?

## EMPEÑA Y CUMPRO ORO

### PASA Y COMPROBA PA BO MES!



**JUWELENHUISJE**

ORARIO 10AM - 6PM DIALUNA TE DIABIerna



## Rutte ta ripiti: hopi hende lo bay vota diaranson awor

**Den Haag, HULANDA** - Lider di VVD y prome minister na Hulanda ta nenga di acepta e resultado di varios sondeo cu ta pronostica cu masha poco hende lo bay vota den eleccion di estado e luna aki na Hulanda. Den e conferencia di prensa semanal di diabierna ultimo, e la bisa cu e ta convenci cu e asistencia lo ta "considerablemente mas halto" cu loke sondeonan ta pronostica te cu awor. Lidernan di fraccion den Tweede Kamer ta preocupa cu e asistencia di pueblo votado na eleccionnan di estado

e luna aki lo ta hopi pover. Hulanda lo tin eleccion awe diaranson 19 di maart. Sondeonan cu nan a tene ta muestra cu menos cu mita (50%) di esunnan cu por vota, aparentemente no tin intencion di haci uzo di nan derecho.

Alexander Pechthold, lider di D'66 a bisa cu e lo haya e situacion realmente un problema si e cantidad di hende cu bay vota ta bou di 50 % di esunnan cu derecho di vota. El a haci e expresion ey den e programa di television Pauw & Witteman.

Mescos cu su colega Sybrand Buma di partido CDA, Diederik Samson di PvdA, Halbe Zijlstra di D'66 y Emile Roemer di SP, Pechthold ta kere cu e votado no ta realisa suficientemente cuanto tarea importante gobiernonan mester ehecuta y cuanto tarea mas nan lo haya.

Sybrand Buma a bisa cu e ta kere cu mester uza campaña pa eleccion pa muestra e votado riba e importancia di politica.

Roemer a bisa cu e ta kere cu como lider politico, bo mester para keto seriamente na bo posicion, si bo no logra

convence e votado pa bay urna electoral.

Mark Rutte ta convenci sin embargo cu VVD I e otro partidonan lo sa di convence e pueblo votado pa bay vota diaranson awor.

E la bisa esey despues di a duna inicio di campaña di VVD na Rotterdam y e la ripiti esey diabierna ultimo durante e conferencia di prensa di gobierno.

Den e mesun conferencia di prensa aki e la haci un yamamento riba comunidad pa bay vota.

E la admiti cu Hulanda ta pasando den temponan dificil

i cu ta bay tuma mas tempo ainda pa sali for di e crisis cu e ta den actualmente.

"No ta straña mi cu e votado ta weita politica na un cierto manera.

Pero ami ta bisa e votado: nos a cuminsa mira e resultado caba, laga nos no perde speranza", segun Mark Rutte. Den e programa "Jinek" presenta pa Eva Jinek diadomingo anochi, Rutte a bisa cu el a nota cu e esfera riba caya a cambia, compara cu 3 pa 4 siman pasa y cu e asistencia na eleccion lo no ta asina bou manera ta ser pronostica pa sondeonan. □

## Intrankilidad laboral ta pinta riba

### tereno di Isla

**WILLEMSTAD** - Tin intrankilidad riba tereno di Refineria Isla den di dos mita di e siman aki. Central General di Trahadonan di Corsou, e sindicato cu ta representa e trahadonan di contratista cu ta activo riba tereno di Isla, a convoca un reunion pa mañan atardi 5'or na Because Entertainment Center. SGTk ke tende di su miembronan con ta bay sigui, awor cu tin un impasse serio entre SGTk y e asociacion di contratista AAV. Esencia di e conflicto ta pago

di un aumento di salario di 3% cu mester a tuma luga for di januari di 2013 y un aumento similar cu mester tuma luga januari di otro año. SGTk ta añá cu e contratistanan mester paga, e contratistanan ta haya cu mester cumpli cu tur condicion manera palabra, prome cu nan paga.

Manera ta conoci, dos siman pasa minister di Labor Jeanne Marie Fransisca a pidi mediador di gobierno Randolph Gijsbertha, pa intermedia den e conflicto pa purba trece

un solucion.

Esey a resulta un intento en vano: partidonan a keda para riba nan punto di bista i no a logra un apertura den e conflicto menciona.

Mester bisa cu e asunto aki a hunga henter 2013, cu e sindicato insistiendo cu mester cumpli cu loke tin para den e contracto colectivo.

Añá pasa SGTk a bay corte cu e asunto aki, exigiendo pa AAV paga e aumento menciona. Pero AAV, cu a argumenta cu esey lo por sosode, basta cumpli cu tur punto



den e protocol cu a firma entre AAV, SGTk, gobierno di Corsou i Refineria Isla, a añá rason tambe den corte. E situacion ta dificil awor aki

a yega un punto cu e la pega. "Nos ta laga miembronan dicidi kico ta nos siguiente paso", Alcides Cova, presidente di SGTk a afirma. □

## PAR kier sa si Zona Liber di Corsou tin futuro?

**WILLEMSTAD** - PAR ta constata cu minister di Financia, hibando un maneho bon defini, bon delinea y ehecuta cu disciplina, a logra cumpli cu tur puntonan di e instruccionnan financiero cu Gobierno di Reino a fiha na juli 2012.

Por conclui cu tin avance substancial pa logra haci sanea financia publico. Sin embargo, e parti di desaroyo economico no ta logrando avance. Consecuentemente e bienestar y prosperidad cu Gobierno a priminti no ta yegando mas cerca.

Un sector economico cu durante di tempo a duna un aborto substancial na nos producto Pasional Bruto ta Zona Franca. Sin embargo, Banco Central ta reporta cu actividadnan den Zona Franca a disminui na 2013 siguiendo asina e tendencia di ultimo

añanan. Den e cuadro aki por muestra riba e echo, manera e grafico ta indica, cu cantidad di bishitante na Resona a bini ta baha formalmente ultimo añanan.

Pa e motibo aki fraccion di PAR ta comparti e preocupacion cu ta biba den seno di comerciantenan den Zona Franca pa loke ta trata e futuro di e sector economico aki. Fraccion di PAR a tuma nota di siguiente puntonan cu, na opinion di e comerciantenan den Zona Franca (Koningssplein) lo por buta cu e cantidad di bishitante di Zona Franca lo por lanta cabezas atrobe:

- a) Acceso aereo pa principalmente bishitante for di paisnan den Caribe;
  - b) Nivel y calidad di trato cu ta duna e bishitante e sentimiento di ta bon bini.
- PAR, relaciona cu esaki, pidi

minister Palm lo siguiente:

1. Duna Parlamento un evaluacion di e aspectonan cu a conduci na e reduccion continuo di e cantidad di bishitante di Zona Franca.

2. Informa Parlamento di e maneho cu Gobierno ta hibando of ta bay hiba pa yuda realisa un aumento di cantidad di bishitante di Zona Franca.

3. Indica si tin algo cu Gobierno ta haci of ta bay haci pa resolve e asunto di 'airlift'.

4. Splica cu kisas e Zona Franca di paisnan den nos region ta brindando un competencia di tal grado cu nos Zona Franca ta cay chikito.

5. Laga sa si e minister ta comparti e preocupacion den sentido cu e trata cu bishitante di Zona Franca ta ricibi di emigracion na aeropuerto no ta uno amical y

kico gobierno a haci of ta bay haci.

Den e carta cu parlamentario Armin Konket a formula pa minister Palm e ta menciona tambe cu aparentemente e bishitante di Zona Franca ta experencia e ambiente den Zona Franca como uno no mucho agradabel.

Ta esey Konket ke sa si:

6. Minister Palm ta comparti e opinion aki i si tin algo cu por haci pa mehora e ambiente y haci esaki mas agradabel pa e bishitante.

7. Si tin algo cu por haci den cuadro di p.e. brinda e bishitante servicio di cuminda na nivel y alohamento den bisindario di Zona Franca.

Fraccion di PAR a tuma nota di reclamo pa cu e echo cu ta solamente 25% di e asina yama 'dead-stock' por wordo bendi riba mercado local of duna na organisacionnan

di caridad. Den e cuadro aki PAR ke sa kico segun Palm por haci all respet.

Fraccion di PAR ta di opinion cu actividadnan economico mester ta na beneficio di nos hendenan na prome luga. Un desaroyo economico cu ta brinda base pa nos ciudadanonan por desaroya segun nan potencial y hiba un bida na un nivel digno.

Den ki forma, segun Palm, Zona Franca ta aporta na actividadnan economico cu na beneficio di nos hendenan na prome luga, ta otro contesta cu PAR ke haya.

Finalmente Konket ta punta encuanto e cantidad di cuponan di trabou a flota durante di e periodo 2008 pa 2013 y ki porcentahe di e hendenan emplea den negoshinan den Zona Franca ta hende local. □

# Sancion nobo di Union Europeo y Merca



Union Europeo a anuncia sancion nobo contra Rusia pa su agresion na e peninsula di Krim di Ucrania. E paisnan miembro di Union Europeo dialuna a dicidi na Bruselas pa tuma medida contra 21 representante di Rusia y di Krim. Nan no por drenta mas Union Europeo y e debenan Europeo ta wordo gevries. Merca tambe a impone sancion contra funcionarionan Ruso y di Ucrania. Esey e president Mericano Barrack Obama a anuncia dialuna.

Riba e lista preto di Union Europeo ta bin ocho politico di Krim, e resto ta politiconan di Rusia y militarnan cu rango halto, asina e minister di Asuntonan di Exterior di Alemania, Frank-Walter Steinmeier a anuncia. E lista por wordo amplia, eventual-

mente fin di e siman aki mes na e cumbre na Bruselas. E sancion Mericano lo conta pa shete funcionario di gobierno Ruso y cuater politico di Ucrania. Bou nan tin premier Sergej Aksjonov di Krim, e president di Ucrania cu a wordo baha Viktor Janoekovitsj y e premier interino di Rusia Dmitri Rogozin. E ultimo aki ta na cabes di e industria di arma di Rusia. Tambe dos consehero di president Vladimir Putin ta riba e lista. Ta trata aki di Vladislav Soerkov y Sergej Glazjev. Putin mes no ta un blanco di sancion. Segun Merca, "no ta usual" pa castiga un hefe di estado di e forma ey. Segun Merca, e gobierno di Rusia ta menasa paz, siguridad y estabilidad y soberania di Ucrania. Merca ta menasa cu mas medida na momento cu

Rusia anexa Krim. E sancion nobo a sigui despues cu e referendum pa Krim wordo anexa na Rusia a continua diadomingo. Trepnan den e luna aki Union Europeo a dicidi caba di pospone e combersacionnan tocante biahamento sin visa y tocante un acuerdo general nobo cu Rusia.

**Obama**  
President Obama ayera noch i a papia cu president Putin na telefon. Obama a bisa Putin cu e referendum cu a tuma luga na Krim a tuma luga bou di presion militar di Rusia y cu paisnan di West lo no reconece. Putin a contesta cu e votacion a bay completamente segun normanan internacional. Cremlin a duna un declaracion den cual ta resalta cu no tin ningun avance diplomatico den e crisis. □

## E premier interino di Rusia ta cherche Obama

**Moscu, RUSIA--** E premier interino di Rusia Dmitri Rogozin totalmente no ta impresion cu e sancion cu Merca a anuncia di tuma contra Rusia y Ucrania. Dmitri Rogozin ta un di e funcionarionan pa cual e medidanan ta conta, asina president Barack Obama a duna di conoce.

Su placa ta wordo gevries. Pero riba Twitter e politico Rusiano ta basha poco gasolin riba e candela. "Camarada Obama, kico ta e efecto riba esunnan cu no tin placa ni propiedad den exterior? Of bo no a pensa riba esey?" Rogozin a puntra e president Mericano den for-

ma sarcastico. Pa aña di esey, "Segun ami e texto di e president a wordo skirbi pa un hacido di chiste." Rogozin como vice premier ta na cabes di e industria di arma di Rusia. E sancion Mericano lo conta pa na total shete funcionario di gobierno Ruso y cuater politico di Ucrania. □



## Turkia ta preparando un accion militar na Siria

**Istanbul, TURKIA--** Militarnan di Turkia ta preparando pa haci un atake militar na un pueblo di Siria, na un distancia di 20 kilometer for di e frontera di Turkia.

E corant Hürriyet a anuncia diabierna cu e ehercito Turco lo drenta den accion si rebeldenan di Siria menasa un monumento Turco na e pueblo di Karakozak. E monumento ta segun un tratado di 1921 teritorio Turco y tin militarnan Turco eyan.



E ta e ultimo luga di sosiego di Suleiman Shah, e welo di e fundado di e Imperio Ottomana, Osman 1.

E tumba ta situa na man robes di e costa di e dam di e riu Eufraat, casi cien kilometer na parti noordoost di e ciudad Sirio Aleppo. Karakozak durante di guerra

entre jihadistanan di ISIL (Estado Islamico den Irak y e Levantamiento) y Ehercito Liber di Siria a cay den man di jihadistanan. Segun e fuente di e corant nan no a ataca e monumento ainda. Pero si esey mester di pasa, Turkia lo manda ehercito y forsa aereo, asina Hürriyet a informa. □

## Rusia ta scoge pa isolacion



**London, INGLATERA --** Rusia cu e anexion di Krim a scoge pa isolacion. Esaki e minister Britanico di Asuntonan di Exterior William Hague a bisa diamars den e parlamento Britanico. El a ripiti cu e referendum di diadomingo ultimo na Krim ta bay contra e constitucion di Ucrania. Inglatera ta stop su cooperacion militar cu Rusia y e transporte di arma pa Rusia, segun Hague. □

## 96,6 por ciento kier unidad cu Rusia



**Simferopol, KRIM--** Despues di e referendum di diadomingo tabata ta tin celebracion na grandi na e capital regional di Simferopol. 96,9 por ciento di votadonan kier pe peninsula independiente di Krim uni cu Rusia. Esey e president di e comision di eleccion local, Michail Malisjov, a laga sa dialuna na un stacion di television local. Malisjov a bisa cu 82,71 por ciento di e 1,27 mion habitante di Krim a bay urna electoral. **Putin a haya su gana** Solamente algo mas cu 3 por-

ciento di votadonan kier keda cera Ucraina, pero cu un gran parti di autonomia. Na Simferopol autonon tabata core den parada bou pitamento y na plaza Lenin miles di hende a reuni cu bandera di Rusia y di Krim. Riba e fachada di oficina di gobierno ta para cu letter berde, "Nos ta na cas." **Anexa** E resultado no tabata di sorpresa, mirando cu 58 por ciento ta di habla Rusiano y minorianan manera Krimtatar tabata plania pa boicotia e referendum. Aksjonov a laga

sa cu un delegacion di Krim dialuna lo bula bay Rusia pa pidi president Vladimir Putin oficialmente pa pertenece na Rusia. El a laga sa caba di honra e peticion. Otro siman e roebel Rusiano ta bira un medio legal di paga na Krim. E placa di Ucraina Grivna por wordo uza despues pa 6 luna mas. Union Europeo y Merca ta nenga di reconoce e resultado di e referendum. E referendum no ta cumpli cu e leyman internacional, asina nan a laga sa. □

## Poblacion di Krim a drecha un fout historico



**Moscu, RUSIA--** Cu e anexion di Krim na Rusia "un fout historico a wordo drecha." Esey e ultimo president di Union Sovietico,

Michail Gorbatsjov, a bisa dialuna na e agencia di prensa Rusiano Interfax. "Krim a bira un parti di Ucraina segun e ley sovjet, esey kiermen, segun leyman di e Partido Comunista, sin consulta cu e pueblo. E pueblo a drecha e eror awor," Gorbatsjov (83) a bisa. "Esey bo mester aplaudi, no castiga cu sancion." Na 1954 Krim a pasa di Rusia pa Ucraina. Segun un informacion persistente premier Nikita Chroetsjov a laga e peninsula bay bou su buracheria. □

## Ucrania ta rechasa proposicion di Rusia

**Kiev, UCRANIA--** Un proposicion di Rusia pa soluciona e conflicto tocante Ucraina, "ta completamente inaceptabel." Esaki e minister di Asuntunan di Exterior di Ucraina a bisa dialuna.

Rusia a propone pa un grupo internacional di mediador bay Kiev pa pleita pa un estado federal y Rusiano como e di dos idioma oficial di e pais. Kiev lo mester acepta tambe cu Krim ta bay bek cerca Rusia. □

**FOSCAL**  
Clinic  
Bucaramanga, Colombia

Second Chances are hard to find.  
Let us give you one.

We are a high complexity University Clinic with state of the art technology. Our highly competent team of experienced physicians and nursing staff enable us to offer a wide range of excellence services as:

- Ophthalmology.
- Oncology.
- Neurosurgery.
- Urology.
- Cardiology and cardiovascular surgery.
- Orthopedics and traumatology.
- Fertility and high-risk obstetrics.
- Bariatric surgery.
- Plastic and reconstructive surgery and aesthetic, among others
- Vascular and interventional radiology.

**OUR INTERNATIONAL STAFF IS READY TO HELP YOU ... CONTACT US**

[www.foscal.co/patients-testimonials](http://www.foscal.co/patients-testimonials)

**Contact Us**

Av. El bosque No 23 – 60, Torre CAL Piso 2 autopista Floridablanca  
negocios@foscal.com.co  
Phone: (57) 7 6382828 Ext 4027  
Mobile: (57) 3174048060  
Skype foscal\_International

[www.foscal.co](http://www.foscal.co)

*Virgilio Galvis*  
Centro Oftalmológico  
tecnología para todos





# DEPORTE

## BON DIA

### Aruba



# Medaya pa Aruba

Lesu pagina B2

## Ganado Go Fast



Lesu pagina B3

## Prome trofeo di temporada



Lesu pagina B5

# Stuart Smit a conkista medaya di brons na Weganan Sur Americano 2014



**ORANJESTAD** - E ultimo speransa pa medaya pa Aruba sin duda tabata e atleta di taekwondo, Stuart Smit, kende a competi pa Aruba den e categoria di 80+ kg. Diadomingo atardi, den e Centro Olimpico di Chile, e Weganan Sur Americano a yega su final pe delegacion di Aruba, na unda nos ultimo atleta a bini den accion. E atleta Smit a hiba un preparacion largo na



Monterey, Mexico, unda el a entrena bou guia di e ex coach di Aruba, Julio Ramos, cu durante su carera a produci campeonnan grandi.



Anima pe resto di e delegacion Arubano y tambe e fanaticada grandi di taekwondo cu a yena e acomodacion, e atleta Stuart Smit, guia pa su coach Teo Rodriguez a habri den pool B contra di e contrincante di Surnam, Jurmen Amiena. Mester bisa cu e pelea aki a bay bon pa Stuart, unda e ta logra piki su puntonan cu algun bon scop na cabes, como tambe na e curpa di Amiena. Den ningun di e tres rondnan Smit tabata den problema, es mas Amiena no a score niun punto, e dos puntonan Smit a haya den su contra ta dor di a sali for di e area di combati. Aki Smit ta gana su prome pelea cu e score di 6 - 2. Tambe den pool B, e Brasileiro Correa a gana Chan di Peru. Den su proximo pelea, Stuart a topa e atleta fuerte di Argentina, Martin Sio, kende a haya un bye run den e prome rond. Mester bisa cu a Argentino tabata dos cabes mas grandi cu Smit. Pesar di e haltura y e atakenan feroz di e Argentino Sio, e atleta Smit no a laga su mes wordo intimidada dor di esaki y tabata contesta bon bek cu algun scop fuerte na cabes y curpa di e Argentino. E pelea aki tabata uno cu a bay hopi cera mes cu por a bay tur dos banda, Sio a pica dilanti cu un scop na cabes 4 - 1. Pero mesora Smit a demonstra cu no ta pornada e ta un di e top bringadonan den e deporte aki. Apoya pa e publico di Chile y Aruba, por cierto mas cu 2000 persona, Smit ta



manda un scop feroz na cabes di e Argentino cu ta tambalia esaki pa e 4 - 4. Asina e pelea a keda bay hopi pareu. Den e siguiente rondnan cosnan a bay preta, pero un Smit cu a bay laga te na 9 - 5 cu un otro scop fenomenal na cabes. Faltando un minuut, Smit ta perde su concentracion y e Argentino ta corta bentaha cu un scop na cabes pe 9 - 8 y hasta empata 9 - 9. No menos cu 8 seconde Stuart Smit ta manda un mokete duro pa e 10 - 9 y no ta laga esaki bay mas y ta gana su segundo combati. E publico di Chile a lanta grita y duna Smit un standing ovation. Den e di tres pelea y semi final Stuart mester a enfrenta e Brasileiro, Marcelino Correa. Aki e ganado lo pasa pa final. Mester bisa cu e publico di Chile a lanta para y aplaudi Smit na su entrada den e acomodacion. Smit a cuminsa bon unda el a anota e prome punto y ta mantene esaki largo. Un straf pa no bringa a duna e Brasileiro e empate 1 - 1. Den e di tres rond, faltando un 20 seconde, e Brasileiro Correa ta anota cu un scop na cabes y ta bay na 5 - 1, mesora Smit ta reacciona y anota e 5 - 2, pero mucho mas

no por a ser haci, mirando e tempo y e Brasileiro Correa ta clasifica pe gran final contra Rivas di Venezuela.

Den un otro pool, Chile ta gana Panama, Uruguay a gana Colombia. Despues Chile mester a enfrenta e favorito Venezuela, aki Chile ta perde den sudden death. Den semi final, Venezuela a gana e atleta di Uruguay y ta pasa pa final. Den final, Rivas di Venezuela ta bay cu e medaya di oro, ganando Correa di Brasil den un final dramatico cu e score di 4 - 3, mientras Smit y e atleta di Uruguay, Hernandez a keda na di tres luga cu e medaya di brons. Na final, e delegacion tabata super contento mientras e publico di Chile cu a para tras di Stuart despues cu e Chileno, Medina a keda elimina, a tuma e oportunidad pa saca potret y pidi firma di e atleta Arubano. Esaki ta di tercer medaya pa Smit den Weganan Sur Americano, alabes e ta haci Smit e atleta cu mas exito a cosecha pa Comitè Olimpico Arubano cu un total di 4 medaya logra den weganan regional. Pabien Aruba cu e medaya di brons. □

## Dos campeon di Go Fast Cycling Team riba dia di Aruba



**ORANJESTAD** - Riba dia di Aruba, Himno y Bandera, e coredonan di Go Fast Cycling Team a yama bon bini na e temporada di ciclismo di ruta. Nuebe coredo di Go Fast Cycling Team a participa na e careda popular clasico Himno y Bandera 18 di maart. E ganado absoluto a resulta di ta George Winterdal den categoria Experto, sigui pa Anthony Wong, Jonathan Croes, Jean Junior y Robin Rol den e top dies. Den categoria dama, Cherley van der Linden a bay cu e titulo maximo. E coredonan Ruud van Doorn, Tony Marshall y Jayden



Wong tambe a participa na e careda aki. Go Fast Cycling Team a duna un bon bataya y ta cla pa cualkier reto cu e temporada trece cun'e.

Un palabra di danki na tur e mayornan cu a yuda pa percura pe atletanan ricibi nan likido y alimentacion riba ruta. □

## Brazil Taekwondo Stichting a tene un anochi di informacion

**ORANJESTAD** - Recientemente Brazil Taekwondo Stichting a tene un reunion informativo pa su miembronan na Centro di Bario Brazil. E secretaria di Brazil Taekwondo Stichting Danica Delamore a habri e reunion splicando e mayornan di e atletanan nobo e vision di Brazil Taekwondo Stichting y tambe a splica pa kico Brazil Taekwondo Stichting sa organisa Car wash, BBQ, Fiesta y ta bende Kalender pa asina yega na fondonan, pa por paga tur e gastonan cu Brazil Taekwondo Stichting tin. Manera entre otro e huur di e sala, tur e gastonan di e bus cu ta busca tur e muchanan for di nan cas y hiba nan training y despues hiba nan bek na nan cas y hopi mas. Mirando cu tin algun maldad den nos comunidad, Brazil Taekwondo Stichting



a laga pone alarma pa e bus. E bus ta den un estado cu mester wordo drecha y completa pa asina e bus por bay un par di añanan mas. Ya caba e bus su stoelnan a wordo drecha y fura y e radio ta instala. Otro siman e bus ta bay haya un drecha na e parti pafu na unda cu e frusto lo wordo kita pa asina e por haya un

sput. E mayornan presente a muestra nan interes pa duna un man na tur esakinan, mirando cu nan yiunan tambe ta parti di e team di Train Hard Fight Smart. Tur cos cu Brazil Taekwondo Stichting sa haci ta na bienestar di e atletanan cu ta train na Brazil Taekwondo Stichting, pasobra train-



ing na Brazil Taekwondo Stichting ta completamente gratis. Dia 30 di Maart Brazil Taekwondo Stichting ta organisando su famoso car wash y tambe ta bay tin e BBQ di Judith Nassy y su grupo. Tambe a puntra kende tur ta pensa di baha cu Brazil Taekwondo

Stichting pa asina por cuminsa haci reservacion. Tabata tin bon comentario tocante di e charla di Inspector di Polis Carlos Hodge kende a laga un bon impresion atras. A menciona cu e bus lo no bay ta disponibel for di dia 18 te cu 21 di Maart, pasobra e bus ta bay pa asina haya su drecha y sput. □

## Te cu 21 di maart por solicita pa bira miembro di directiva di Aruba Wieler Bond

**ORANJESTAD** - Durante e asamblea extra ordinario di Aruba Wielerbond teni ariba dia 28 di februari 2014 a instala un comision cu e meta pa prepara e Asamblea General AWB 2014 den cual lo bay eligi tambe un directiva nobo pa e proximo periodo. E meta di e comision ta entre otro pa facilita den buscamiento y postula candidatonan pa puestonan den directiva di AWB. Durante e asamblea e comision lo asisti tambe den e proceso di eleccion a base di regla y acuerdonan stipula pa cu esaki. E comision ta anuncia cu solicitud pa un (o mas) puesto como miembro di directiva (presidente, secretario, tesorera y comisario) ta habri pa pu-

blico general te cu diabierna 21 maart 2014 pa 7'or di anochi. E comision ta haci un yamada na tur club, miembronan di AWB, cu ta acerca un persona pa candidato pa un puesto den directiva pa haci uzo sigur di e documento "descripcion di tarea" pa asina e persona tin un idea cla di locual e tarea den directiva ta encera. E documento aki a wordo manda via e-mail y por wordo pidi tambe cerca Zaida Everon via e-mail: zaida.everon@gmail.com. of M. Leerdam via e-mail: typentalk2monique@hotmail.com. Tambe nan ta pidi pe candidato yena e formulario di postula y acompaña esaki cu un CV y un motivacion di

candidatura cortico. E CV y motivacion aki por wordo poni ariba maximal un A4. Tur formulario di solicitud acompaña pa un CV y motivacion por wordo entrega no mas tarda cu dia 21 di maart 2014 te cu 7'or di anochi cerca Reinaldo Mackintosh na Valero Sta. Cruz. Como cu e comision ta desea di mantene e proceso di postula y eleccion mas transparente posibel no ta acepta e documentonan aki via e-mail, mensahe etc. Entregando e documentonan aki na tempo ta garantisa cu nos por distribui e informacion na tur club y miembronan pa asina un y tur tin un idea cual ta e personanan cu a postula

nan mes pa candidato y wak kico e persona aki lo por nifica no pa nan so pero pa e ciclismo di Aruba en general. E candidato na su turno ta haya e oportunidad pa campaña y purba convence clubnan y miembronan cu e ta e candidato ideal pa un puesto den directiva. Sperando cu informacion duna ta di bon uzo pa bo(so), e comision ta spera di por conta cu un proceso fructifero y un eleccion exitoso pa asina instala un directiva nobo pa maneha e deporte di ciclismo na Aruba. Pa mas informacion por tuma contacto cu Reinaldo Mackintosh na e-mail agnaldo@setarnet.aw. □

## Renny Coronel ta core e 29 Aruba Internacional Half Marathon den 1:11:31.5



### ORANJESTAD

— Diadomingo mainta a tuma luga e di 29 Aruba Internacional Half Marathon 2014, unda cu mas di 300 persona a participa den e evento aki. Algun di nan a gana y otro a dicidi di core. Durante e mainta aki tur esunnan cu kier a participa, mester tabata den oranan di mainta trepan pa registra. Despues cu tur hende a caba di registra, nan mester a cuminsa lineup pa prepara pa e careda cuminsa.

Tur participante a haci nan maximo esfuerso pa por a yega e final. Den coremento Renny Coronel ta yega den 1:11:31.5, sigui pa Jose Colina den 1:17:57.7 y na di tres luga Ronald Staring ta yega cu un tempo di 1:19:11.9.

Den e categoria di canamento Raynold Soliana ta cana den un tempo di 2:09:15.9. William van Heyningen ta drenta na di dos luga cu un tempo di 2:09:24.3, mientras cu Sigried Godoy ta yega den 2:10:32.7.

IBiSA ta felicita tur e participantenan y nan ta bay cuminsa planea pe di 30 Marathon di otro aña cual ta spera cu lo tin mas participante. □



## Danny Garcia ta mantene su invicto den boxeo



**Bayamon, PUERTO RICO** – E boxdo Portorriqueño Danny Garcia a mantene den fin di siman su invicto ora cu el a defende su titulongan di e division super lihe di e Consejo y Asociacion Mundial di Boxeo, respectivamente, ora cu el a gana pa decision e Mexicano Mauricio Herrera. E carchinan di e huesnan tabata 114-114, 116-112 y 116-112 den e stadion cu Garcia y Herrera a bringa den e Coliseo Ruben Rodriguez di Bayamon, ciudad di San Juan. “Mi ta un berdadero campeon. E Portorriqueñonan ta apoya mi y mi ta gradici nan pa e apoyo ey. Awo, mester pensa ken lo ta su siguiente rival,” Garcia a sostene despues di su victoria

cu a hiba pa mehora su marca pa 28-0. Den e prome rondnan ambos boxdo solamente a conecta varios golpi, e unico evidencia cu tabata muestra algun di e boxdonan, tabata e cara marca di Garcia pa e golpinan cu e Mexicano a dal e. E boxdonan a sigui dal otro den e siguiente rondnan, unda cu tur hende por a mira cu esaki lo ta un pelea basta pareu. Den e final di rond seis Garcia a dal Herrera na su cachete un ‘upper cut’. Durante rond ocho Garcia ta bolbe dal Herrera pero e biaha aki cu un ‘jab’, cual ta corta e Mexicano. Despues di e rond aki, Garcia tabata domina dos di e carchinan 77-75 y 78-74, mientras cu Herrera tabata tin otro na su favor 77-75. □



## Phil Jackson ta regresa cu New York Knicks

**New York, MERCA** – Phil Jackson a regresa cu New York Knicks como presidente di e team di basketball.

Durante un conferencia di prensa ayera den e locker di Madison Square Garden Knicks a anuncia di a contrata Jackson, unda un cartel grandi tabata bisa “Bon bini na cas Phil” y e

uniformnan cu e number 18 cu Jackson a uza como hungado di e team. Jackson a firma un contract pa cinco aña cu segun e rapportnan lo duna e president por lo menos 12 miyon di dollar anual y el a bisa di pasa un gran cantidad di tempo na New York. “Esaki ta e miho luga pa hunga basketball,” Jackson a bisa. □

## Novak Djokovic a gana Roger Federer den tennis



**Indian Wells, MERCA** – E tenista Serbio Novak Djokovic a gana e Suiso Roger Federer cu e scorenan di 3-6, 6-3 y 7-6 (7-3) y ta logra su di tercer titulo den e torneo di Indian Wells.

Djokovic, number dos di e rango mundial, a conquista asina su prome trofeo di aña danki na un encuentro den cual e tabata menos contra un Federer cu a gana e ultimo wega entre ambos dos siman atras, den e semi final di Dubai.

Agresivo y cu confiansa Federer a cuminsa cu e wega manera un ciclón pa bay ariba 3-0. Aunke cu Djokovic a bin bek, ya e no por a alcansa y ta perde e prome set lihe cu e score di 6-3 di un serve ganado di e Suiso, cu a logra un porcentaje di a logra den e di prome servicio di 75 por ciento. □

## Jose Contreras tin un decision di tuma den MBL



**Arizona, MERCA** – Jose Contreras, e pitcher Cubano di man drechi di 42 aña a firma un contract di liga menor pa purba di haya un luga den e roster di Texas Rangers, pero a ricibi dialuna un oferta di e team pa wordo nombra pe campamento di menor di e team.

Rangers a informa cu Contreras tabata analisa dos opcion y cu e por bay pa e retiro.

Contreras tabata tin efectividad di 10.50 den tres aparicion di e temporada aki. E

Cubano, cu a wordo sometido den un cirugia di reconstrucion di ligamento di elleboog juni di 2012, y e temporada anterior e tabata cu Pittsburgh y Boston.

E tabata tin shete aparicion como relevo cu Pirates na mei y despues a picha den menor cu Red Sox.

Contreras tin un marca di 78-67 den su careda di Major League, cu 4.57 di efectividad den 299 wega cu New York Yankees, Chicago White Sox, Colorado, Philadelphia y Pittsburgh. □

# Cemedar Sports Medicine a asisti atletanan durante di e Weganan Sur Americano 2014



**ORANJESTAD** - Na Santiago de Chile e Weganan Sur Americano 2014. Un delegacion di Aruba consisti di 11 atleta tambe ta participa na dicho Weganan. For di aña pasa september, Cemedar Sports Medicine a cuminsa asisti den e preparacion di e atletanan pa loke ta e parti medico unda e atletanan diario y/of semanalmente tabata atende sesionnan di terapia pa nan lesionnan cu mester a ser trata of otro testnan cu mester a wordo haci pa asina segura cu e atle-

tanan ta den e forma mas optimal pa un competencia. Tambe e atletanan tabata haya masashi den forma di recuperacion y psycho relax. Tanto e medico Dr. Ricardo Vargas como masahista Winston Ras ta na Chile pa asisti e atletanan den cualkier eventualidad. Mester bisa cu e atletanan ta haci bon uzo di e dos funcionan di Cemedar Sports Medicine unda nan ta haya e masashi necesario den un camber specialmente prepara

pa e delegacion di Aruba. Tambe e atletanan ta haya e asistencia medico pa lesionnan chikito cu presenta esaki ehecuta pa Dr. Vargas. Riba e combinacion di fotos por aprecia Dr. Vargas den su asistencia na e atleta Quincy Breell di atletismo, e hungado di beach volleyball Eargenel de Cuba y atleta Renze Postma mientras masahista Winston Ras ta asisti atletanan Jemal Le Grand di landamento y Zaihyel Soekandar di BMX. □



- Bo kier un corant cu bo por disfruta di dje y cu tin mas noticia
- Bo kier un corant cu ta imparcial y obhetivo?
- Bo kier un corant cu ta facil pa lesa y di calidad ?
- Ata e corant cu bo ta desea:



**Bira abonado awor!!**

**Paga bo cuenta di abonado delanta y ricibi DESCUENTONAN ASTRONOMICO:**

**6 Luna Afl. 210,= awor Afl. 195,=**

**1 Aña Afl. 420,= awor Afl. 385,=**

**PA PENSIONADO:**

**6 Luna Afl. 210,= awor Afl. 175,=**

**1 Aña Afl. 420,= awor Afl. 350,=**

**Paga tur cuenta atrasa y ricibi un descuento special.**

**Pa mas informacion yama Bon Dia Aruba**

**582-7800**

of manda fax: 582-7044

**ATA E OPORTUNIDAD PA BIRA ABONADO DI BON DIA ARUBA "UN CORANT CU TA LIDER DEN FUENTE DI NOTICIA"**

**Yena aki bao e siguiente informacion:**

Number completo: .....

Adres di entrega: .....

Adres di cobranza: .....

Email: .....

Telefon: .....

**Forma di pago:**

- Cobransa na cas.
- Cobransa na trabao.
- Pago via banco (Standing Order)
- Pago personal na oficina.

**Entrega di corant:**

- Pone den mailbox
- Tira den cura di cas

**Pago Adelanta:**

- 6 Luna
- 1 Aña

**Paga cu Credit Card.**

Mi persona ta authoriza C.S.P. N.V. pa debita mi:

- Visa
- Mastercard

Card No: \_\_\_\_\_ Fecha di vencemento di carchi: \_\_\_\_\_

Firma di cliente: \_\_\_\_\_

**Yama na telefon: 582-7800 of manda via fax: 587-7044 e-mail: [accounting@bondiaaruba.com](mailto:accounting@bondiaaruba.com)**

# *SOCIAL* *BON DIA* *Aruba*

## Ganado di Festival Himno y Bandera



Les a pagina B16

Celebracion di Dia Nacional



Les a pagina B8

Impresion di celebracion di 18 maart



Les a pagina B9



## Grita den tram



**ORANJESTAD** – Di mainta e tramnan a sali ayera pa hiba hende na e diferente museo y luga di actividad pa celebra 18 di maart. E conductor a probecha di splica e historia di e centro di e ciudad y di e diferente monumento. E ultimo añanan e ta splica a inverti entre 18 pa 20 milyon den e monumento y ciudad pa renobacion. E conductor a trece ambiente den tram y pidi pasaheronan di dal un grito locual nan a haci cu hopi smaak. Hasta turistanan a celebra nos dia, bisti T-shirt den color di nos bandera. □



## Fort Zoutman trempan yena cu hende

**ORANJESTAD** – Di trempan Fort Zoutman a haya bishita di hopi hende cu a sali paranda pa celebra Dia di

Himno y Bandera. Cu bailamento folklorico, artesanía y cuminda crioyo e alma di tur bishitantenan a wordo yena.

Y aunke e banderanan ainda ta diferencia den nan color, esaki no a kita nada di e ambiente. □



## Festival di cuminda na St. Cruz



**ORANJESTAD** – Un gran variedad di cuminda, juice traha fresco di fruta di e cunukero conoci Maureen Laaf Ras, y cos dushi tabata domina e celebracion na St. Cruz.

Esaki a atrae ayera hopi hende cu por a gosa di entre otro un stoba di pampuna cu cabrito tremendo. □



# Impresion di celebracion di 18 maart



**ORANJESTAD** – E desfile ayera mainta a tarda un tiki pero esaki no a e publico di atende e evento aki dilanti

Bestuurskantoor. E cayanan den bisindario tabata yen di autonan y a duna un bon impresion con grandi e mul-

titud di hende a bin pa wak e gruponan pasa e gobernanenan. E Centronan di Bario y otro

luga mester a warda te merdia pa haya e ambiente y suficiente participantenan pa e weganan popular.

Bon Dia Aruba ta duna aki un impresion di e celebracion ayera full rond Aruba.

# Papaya ranch cu torneo di bolas crioyo riba dia 18 di maart



**ORANJESTAD** – Papaya ranch a celebra nos dia nacional cu un tremendo competencia di bolas crioyo. Tabata tin categoria di dama y di cabayero esaki tawata un tremendo competencia unda e personanan presente por a disfruta di un competencia y di un dia di fiesta manera Papaya ranch so sa di organisa tambe nos a bin compronde cu un di nos colega cu ta traha den departamento di redaccion tambe tawata presente como un hungado y por a bisa cu el a score hopi bon. Fotografo di Bon dia Aruba tabata presente y a saca algun potret unda nos lectornan por mira e tremendo evento aki. □



## Advertorial

### Subway Aruba:

## Pan Fresco pa e muchanan cu a participa na e clinica Aron Winter

**ORANJESTAD** - Recientemente un total di 40 mucha di 8 diferente skol, edad entre 10 y 12 aña y cu ta practica e deporte di futbol, tawata tin e honor di participa na un clinica duna door di profesional Aron Winter. E meta di esaki tawata pa envolucra basisschoolnan na Aruba den e deporte di futbol por medio di organisa clinica y torneonan. A scohe un total 8 skol, 2 di cada distrito na Aruba. Cada skol por a manda 5 mucha for di cual 4 mucha homber y mucha muher. E muchanan aki a presencia un clinica sumamente interactivo na Stadion Frans Figaroa. Aron Winter ta un ex-futbolista profesional cu a hunga cu diferente ekip-



onan grandi y conoci manera Ajax, SS Lazio - Italia, Inter Milan – Italia y Sparta Rotterdam. Ademá e tawata parti di seleccion Hulandes cu na 1988 a gana e Campe-

onato Europeo. Durante su carera Aron a gana dos copa di KNVB, Eredivisie title, y UEFA Cup na 1987 y 1992. Despues di un atardi ameno cu Aron Winter a yega e

momento pa savoria un dushi pan fresco y saludabel di Subway. Manera ta conoci, Subway ta un sponsor grandi di Aruba

Voetbal Bond. Subway ta kere den deporte y e bida saludabel y di entre otro e forma aki ta contribui na esaki. □





Tel: 593-0857 / 588-6699 / 560-1403  
Fax: 588-6698

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

A fayece cristianamente



**Sr. Valeriano Laclé**  
mihor conoci como “Valé of Chep”  
\*05-06-1939 †17-03-2014

Na number di su:

Rumannan:

†Efigenio Laclé, Sarita Kock y yiunan  
Ramon Laclé, †Aida Lampe y yiunan  
Theodoor Laclé, †Maria Koolman y yiunan  
Antonilia Lacé, †Juan Lampe y yiunan  
Aura Laclé, Miquel Fuentes y yiunan  
†Mario Laclé  
Pedrito Laclé, Vicenta Angela y yiu  
Gilberto Laclé, Rita Lampe y yiunan  
Paulo Laclé, Dorothea Rip y yiunan na Hulanda  
Elias Laclé, Lucia Tromp y yiunan  
Delia Laclé y yiu Regales

Manera ruman:

Nencia Kock na Hulanda  
Cadochi, Lydia Kock y famia  
Lena Kock  
Mario Kock na Hulanda

Mescos cu yiu:

Richard Jr., Sharon Jacobs  
Edson, Wendy Jacobs  
Lizenne, Xavier Croes na Hulanda  
Melvin, Anoushka Kock  
Jerall, Jady-Ann Maduro  
Akeem, Thaliah, Adrienne, Shariene, Donovan,  
Brandon y Ethan

Madrina y padrino, primo y primanan, subrino  
y subrinanan, amigo y amiganan

Famia: Laclé, Luidens, Kock, Lampe, Koolman,  
Fuentes, Angela, Rip, Tromp, Briezen, Eras-  
mus, Croes, Werleman, Winterdaal, Regales,  
Jacobs, Maduro

Acto di entiero lo tuma lugar diahuebs 20 di  
maart 2014 na Aurora Funeral Home di 9’or pa  
11’or di mainta despues lo sali pa Santana cen-  
traal na Sabana Basora.

Enbes di flor of krans un donacion pa Edmund  
Harms Foundation lo ta altamente aprecia.

Nos ta pidi nos disculpa si den nos tristeza nos  
por lubida un of otro famia.



Tel: 593-0857 / 588-6699 / 560-1403  
Fax: 588-6698

God Took Him To His Loving Home  
God saw him getting tired, a cure was not to be.  
He wrapped him in his loving arms and whispered  
‘Come with me.’  
He suffered much in silence, his spirit did not  
bend. bHe faced his pain with courage, until the  
very end. He tried so hard to stay with us but his  
fight was not in vain, God took him to His loving  
home and freed him from the pain  
Cu dolor na nos curason , pero agradecido pa tur  
loke e a haci y significa pa nos , nos ta anuncia cu a  
bai sosega nos tata, abuelo y ruman .



**Sr. Falconario Ramon  
de Cuba (Arichi)**

Na number di su yiunan :

Olinda y Reynaldo Rasmijn-de Cuba  
David y Maritza de Cuba-Goeloe  
Stanley y Maria Eugenia de Cuba-Santis  
Mariska y Miguel Tromp-de Cuba  
Ramsey y Mirela de Cuba-Croes

Su Rumannan :

Fernando y Telma de Cuba-Kock  
Vda. Calista Paalman-de Cuba y famia  
Olivio de Cuba, Ursula Kock y Famia  
Cerilia de Cuba y famia  
Beltra de Cuba, Venancio Angela y Famia  
Elita de Cuba y Belkis

Nietonan :

Analia Rasmijn y Mishkalino Faro  
Dairon Ras  
Benazir de Cuba  
Benita y Besel Sabbagh  
Linsey y Daniel Engelhardt  
Thierry Tromp  
Theshwin y Ann Mary Tromp-Werleman  
Micheline de Cuba y Giandrick Lacle  
Randrick de Cuba  
Quillion de Cuba  
Richeline de Cuba y Sergio Wouters  
Maryline de Cuba  
Shanik y Stephanik de Cuba

Bisanietonan :

Austin y Ethan Engelhardt  
Jallel Sabbagh  
Quiondrick Lacle  
Sergeline Wouters  
Su bon amigonan di cas cu a cuide:  
Chenta Koolman  
Marivilna Rene  
Vivian Lourens  
Sandra Seville  
Paul y Bibiana Tromp  
Demas Famia:

de Cuba, Rasmijn, Tromp, Goeloe, Croes, Santis,  
Paalman, Kock, de Kort, Wever, Geerman, Sab-  
bagh, Werleman, Engelhardt, Refunjol, Angela,  
Arends, Colina, v/der Linden, Besaril, Bislick,  
Shwengle, Thijsen.

Acto di entiero ta tuma lugar diahuebs 20 di maart  
2014 na misa Sagardo Corason pa 4’or di atardi,  
despues lo sali pa Santana catolico na Savaneta. E  
restonan mortal di nos defunto stima lo ta reposa  
for di 1’or di merdia den misa.



Tel: 593-0857 / 588-6699 / 560-1403  
Fax: 588-6698

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

A fayece na Rotterdam, Hulanda:



**Sr. Seferino de Cuba**  
mihor conoci como “Wichi of Fefe”  
\*08-01-1945 †15-03-2014

Na number di su:

Yiunan: Magalie y Mario Geerman  
Siegfried Poterson y famia

Nieto y nietanan y bisanietonan na Hulanda y  
Aruba

Ruman: Ronny y Sisi de Cuba-Oduber

Omo: Alfredo Rafini y famia

Famia ysobrino y sobrinanan: De Cuba, Rafini,  
Solognier, Dorcas, Arends

Acto di entiero lo tuma lugar 21 di maart 2014 na  
Rotterdam, Hulanda



Tel: 593-0857 / 588-6699 / 560-1403  
Fax: 588-6698

“Laga tur kos ta spera mi ta bunita,  
laga tur locual cu mi encontra na caminda ta  
bunita.  
laga tur locual cumi laga atras keda bunita y  
laga esakinan termina den tur buniteza”.

Cu hopi tristeza pero conforme cu boluntad di  
Dios,  
nos ta participa fayecimento cristianamente di :



**Millute Jeanne  
Richards**

\* 26-03-1920 † 16-03-2014

Acto di entiero lo wordo anuncia despues



“ Señor ta mi wardador, mi n’ tin falta di nada; Den cunucu di yerba berde, E ta ponemi sosega. E ta hibami na awa tranquil, pa mi bolbe haña forsa.”  
Salmo 23:1,2,3

Cu inmenso tristeza na nos curazon, nos ta participa fayecimento di:

**Francisco Jose “Jossy”  
Tromp**  
21 augustus 1925 - 17 maart 2014  
Ex-gezaghebber di Aruba

Acto di entieru y dia pa condolencia lo wordo anuncia despues.

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



“Bini serca mi tur esnan cu ta cansa y carga y mi lo refrescanan.”  
Mateo 11:28  
Cu honda pena, nos ta anuncia cu a fayece na edad di 89 aña:



**Sra. Vuida Petra Cira  
Rustveld-Boekhoudt**  
Mihor conoci como “Petrica of Mai”  
31 Januari 1925 - 14 Maart 2014

Den number di su:  
esposu: † Julius Rustveld (julio)  
yiunan:  
Albertina (Tina) Rustveld  
Margriet (Rita) & Feliz Vos-Rustveld  
Telesfora (Fola) Rustveld  
Helen & Leon Ras-Rustveld  
Gloria Rustveld  
Julius (Papi) & Zaida Rustveld-Nicolaas  
Imelda & Julio (Jul) Quandus-Rustveld  
Juliaan & Hendrina Rustveld-Lamper

Nietonan manera yiu:  
Luis Rustveld  
Milly & Peter Mohamed-Koolman  
Sharine & Alejandro Calderon-Koolman  
Joel & Tina Fingal-Maduro  
Julika Quandus  
Derick & Ariella Quandus-Croes  
Julmar Rustveld  
Otmar & Jenny Rustveld

Nietonan:  
Joselito Rustveld & Famia / Anouska Rustveld & Famia  
Nataly Rustveld & Famia / Thamara Tromp & Famia  
Petra van Wonderen & Famia / Sandra van Wonderen & Famia  
Harold & Elizabeth Ras-Telo / Javier (Ricky) Ras & Famia  
Guillermo & Maribel Henriquez-Meza & Famia / Renzo Henriquez / Raizen & Jessica Alberts & Famia  
Inga Rustveld & Pareha / Andy & Germina Rustveld-Maduro & Famia / Mitchell Rustveld / Melitza Rustveld  
Julienne & Javier Maduro-Rustveld & Famia / Juliaan Rustveld / Juliette Rustveld

Bisnieto mescos yiu:  
Nicole Calderon & Ariana, Joshua Calderon, Roddick Quandus, Jakeyell Quandus, Kaydee & Yerick Mohamed.

y demas bisnieto, bisnieta, tataranieta y tataranietan.  
Manera yiu:  
Gerardo & Valesca Milton-Genaro / Raul Geerman, Esposa & Famia  
Su subrina stima:  
Martha Boekhoudt & Famia  
Amiga ruman:  
Aura de Cuba-Arends & Famia / Lilia Croes-Lampe & Famia  
Dos rumannan Testigonan di Jehova stima:  
Anny Lampe & Famia / Emy Wernet & Famia  
Su cuña:  
Mariana (Chichi) Boekhoudt-Wernet & Famia  
Dokter di cas stima:  
Reynold Luchmun y Famia  
Primo & Primanan  
Subrino & Subrinanan  
Su ayudante aprecia:  
Gisela (Chela)  
Su amigonan di Botica Centro Medico.  
Famia:  
Boekhoudt, Rustveld, Thijzen, Quandus, Koolman, Mohamed, Calderon, Maduro, Fingal, Croes, Vos, van Wonderen, Henriquez, Albertsz, Ras, Telo, Lampe, Nicolaas, Wever, Geerman, Kelly, Tobel, Almari, Krozendijk, de Cuba, van der Linde, Winterdaal, Kock, Pieterz, Stamper, Wouters, Martijn y demas famia ta invita tur amigo, bisnieta y conocirnan pa asisti na e acto di entieru cual lo tuma lugar Diahuebs 20 di Maart, pa 4or di atardi lo tin un discurso y lo ta saliendo 4:30 atardi di Olive Tree Funeral Home - San Nicolas pa Santana Central na Sabana Basora. Petrica lo ta reposa for di 1or di merdia na Olive Tree Funeral Home San Nicolaas.  
Adres pa Condolencia ta : Noord Cura Cabai 76, Brazil.

Nos kier a pidi disculpa si den nos tristesa nos por a lubida di un of otro famia.

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



“ For di direccio di e trono mi a tende un stem duro bisa: “Esaki ta e luga di Dios cerca e hendenan. Lo e biba cercanan y nan lo ta su pueblonan. E mes lo ta cercanan como nan Dios. Lo E seca tur lagrima for di nan wowo y morto lo no existi mas. Lo no tin nada di rouw, nada di yoramento, nada di dolor mas, pasobra tur cos di antes a pasa bay. “

Revelacion 21:3, 4

Cu inmenso tristeza na nos curazon, nos ta participa cu a fayece cristianamente:



**Pedro Veronico Willems**  
mihor conoci como: “Perus”  
19 october 1930 - 16 maart 2014

Na number di su:

esposa: Maria Willems-de Cuba

yiunan: Luis “Elo” Maduro y Mena Erasmus  
Jurdanny Willems

rumannan: Belin y esposa Sira Dabian-Lampe  
Rosimbo y Carmen Dabian-Willems  
Elma Dabian  
Sonia y Cristobal Geerman-Dabian  
Rufo Dabian, yiunan y Antonia  
Greta Dabian  
Sra.vda. Maria Stadius  
Hendrik Krozendijk y esposa Magdalena  
Merclina Stadius y famia na Boneiro

swa y cuñanan: Joseph Everon y yiunan  
Dominico y Lucia Everon y yiunan  
Antonio de Cuba  
Emiliano de Cuba  
Ika Croes y yiu  
Joy y Angela de Cuba y yiunan na Aruba y Hulanda  
Dona Fabus y yiunan

sobrino y sobrinanan na Aruba y Hulanda

famianan na Hulanda: Dabian, Bos, de Cuba, Everon

amiga di cas stima: Rose-Marie Charles

primo y primanan, comer y compernan, ihanan

broedernan y zusternan di San Pedro Paviljoen (S.A.B.A.)

famia: Willems, de Cuba, Maduro, Dabian, Everon, Croes, Krozendijk, Stadius, Bos, Erasmus, Geerman, Lampe, v/d Biezen, Faro, Britten, Kelly, Boekhoudt, Ras, Tromp, Petrochi, Gomez, Quandus, Eckmeyer, Ramada, de Jongh, Martijn, Bermudes, Loefstok, Werleman, Oduber, Paesch, v/d Linden, Pareja de Andrade, Webb, Fabus y demas famia ta invita tur amigo, bisnieta y conoci pa asisti na e acto di entieru cual ta tuma lugar diabierna 21 maart 2014 pa 4’or di atardi saliendo for di Misa Santa Anna pa santana catolico na Noord. E resto mortal lo ta reposa for di 2’or di atardi den Misa Santa Anna na Noord.

Nos ta lamenta cu despues di entieru nos no por ricibi bishita di condolencia na cas.

Nos kier a pidi nos disculpa si nos por a lubida un of otro famia den nos tristesa.

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



Tel: 593-0857 / 588-6699 / 560-1403  
Fax: 588-6698

“Señor ta mi wardador, mi’n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa”.  
Salmo: 23

Cu hopi tristesa pero conforme cu boluntad di Dios, nos ta participa fayecimento di :



**Pedro Danje**  
\*14-04-1925 - † 15-03-2014

Acto di entieru lo wordo anuncia despues.



Tel: 593-0857 / 588-6699 / 560-1403  
Fax: 588-6698

“Señor ta mi wardador mi’n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa”.  
Salmo: 23

Agredido pa tur locual a nifica pa nos, nos ta participa cu a bai sosega den brasa di Señor nos querido papa, welo, ruman y cuña

**Ronald Ralph Meurs**  
Cariñosamente yama “Ron of Ronny”  
\*18-06-1939 - +14-03-2014  
Vuido di Isolina Meurs – Rasmijn




Ta invita tur famia, amigo, bisnieta y conocirnan pa asisti na e acto di entieru cual lo tuma lugar diabierna 21 di march 2014 pa 4’or di atardi saliendo for di Aurora Funeral Home pa Santana Catolico “De Vries” na Santa Cruz. E resto mortal lo reposa for di 2’or di merdia na Aurora Funeral Home – Cumana.

Adres pa condolencia: Aurora Funeral Home, diahuebs 20 march 2014 di 7’or pa 9’or di anochi.

Si en caso den nos tristesa nos por a lubida algun persona of famia, nos ta pidi nos mas sincero disculpa

**PASA LAGA BO AVISO NA OFICINA DI BON DIA ARUBA  
WESTSTRAAT #22 OF MANDA BO AVISO VIA EMAIL  
NA: michaelarends@cspnv.com**



**PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM**

**TA HUUR**

Un oficina na Zoutmanstraat #35 den skina di Lagoenweg, entrance 1 di Mei 2014. Pa mas informacion  
**Tel: 583-3488**

**TA BENDE**

Gordura pa mata, si bo cumpra 15 saco nos ta entrega nan. Saco di 50lb pa Afl. 8,00  
**Tel: 564-4456**

**SERVICIO PUBLICO**

Ta service airco split-Unit y Window Unit. Pa mas informacion yama  
**Tel: 565-5471**

**TA BENDE**

Mata di mispel, moringa, sorsaca, mango - machete (mango sin cabe) franse bloom, corianda y otro mata na Santa Martha #12  
**Tel: 564-4456**

**TA BENDE**

Lavamano clear nobo Afl. 100,= pa cada uno, pa riba cabinet, wagner machine paint crew cu 2 pa verf Adfl. 450,=  
**Tel: 593-2952**

**TA BENDE**

Un Cas na Sabana Basora #162, di 3 camber y dos baño, pool, meidenkamer, cura full rond, gazebo, vraagprijs Afl. 250.000,=  
**Tel: 583-3488**

**TA BENDE**

Ford F-350 dually full equipped 2000. 4 drs. wheel size 22", colo shinishi (silver), hopi piesa extra Prijs Afl. 35.000,-  
**Tel: 593-0403**

**TA BENDE**

Chevrolet Avalanche 2002, 4x4 automatic, kibra pa piesa Afl. 2500,- "AS IS WHERE IS"  
**Tel: 594-9990**

**TA BENDE**

Un Musical instruments pa forma banda musical Prijsnan ta discutibel.  
**Tel: 594-5025**

**TA BENDE**

Un bunita bisti pa primer Santa Comunion, size 10 pa 12 masha elegante Esun cu bin prome lo haya bon prijs.  
**Tel: 7418637**

**TA BENDE**

Un oficina na Zoutmanstraat #35 den skina di Lagoenweg, Prijs ta Afl. 425.000,= Pa mas informacion  
**Tel: 583-3488**

**FOR SALE**

Black Labrador pups (male and female) Afls 400,- each Born on Dec 21, 2013 Pa mas informacion  
**Call 7382828**

**TA HUUR**

Un Apartment na Sabana Basora pa 1 persona Afl. 1200,- pa 2 persona Afl. 1500,- no ta permiti kids or pets. Pa mas informacion  
**Tel: 594-9069**

**TA BENDE**

Un Chevrolet Camaro 2012, V-8 cu un motor 6.2. liter. Color cora. Brand new Pa mas informacion  
**Tel: 593-7933**

**SERVICIO PUBLICO**

Handyman servicio di chapi, corta mata, verf, plumbing. Hasi cura limpi, y hopi mas. pa mas informacion  
**Tel. 568-3728**

**TA BENDE**

Un waterheater nobo di 30 gallon prijs original Afl. 835,- awor Afl. 435,- Pa mas informacion  
**Tel: 583-1965**

**TA BENDE**

Un edificio comercial na Ponton, riba caminda grandi di Oranjestad pa Noord. Pa mas informacion yama  
**Tel: 593-7118**

**TA BUSCA**

Sra. Evatoriana ta busca trabao di limpieza di cas. Pa mas informacion  
**Tel: 995-2371**

**TA HUUR**

Per 1 Mei Studio apartment muebla na Savaneta den bario tranquil. Cu aceso na patio cu seaview, den sercaña di highway, docter, supermarket, pool olympico, lama, wifi y cable. Prijs 1 pers. Afl. 1050,= 2 pers. Afl. 1250,= plus 1 luna di borg. Pa mas informacion yama  
**Tel: 592-7434 /593-8007**

**MASSAGE**

Professional Masseur, certified and diploma's from beauty with style. Email: palmsaruba@hotmail.com  
**Tel: 560-7823**

**TA BENDE**

Un computer MPC, Windows 7, 300 GB hard-disk, 3GB Ram M. 24" Samsung monitor / tv, logitech keyboard cordless, logitech mouse cordless, 2 logitech speakers, scanner HP scanjet G2410 y un stoel nobo Prijs Afl. 2.300,=  
**Tel: 594-9990**

**Servicio Publico**

Mata ta pari fruta y bo no ta hasi nada cu nan? Mi ta pikinan. Pa mas informacion yama  
**Cel: 568-3541**

**TA BENDE**

2 electrical dryers/220 volt/ whirlpool/amana, frt.loader. Afl.250,-pa un/ 2 pa afl.400,-  
**Tel: 593-8182**



**Colegio Felipe B Tromp a celebra 18 maart cu Santa Rosa**

**ORANJESTAD-** Colegio Felipe B Tromp na Montaña a organisa nan celebracion di 18 di maart dia di Himno y Bandera diabierna ultimo. Di parti e scol a sali un invitacion pa Santa Rosa por duna un presentacion pa nan alumnonan di e scol completo. For di 10'or di mainta preparacionnan a wordo haci pa ricibi e prome klas. Den dos diferente klas Santa Rosa tabata presente cu dos diferente presentacion. Uno dirigi pa nos colega Johnny Falconi kende ta e Apicultor encarga cu e seccion di Apicultura di Santa Rosa. Apicultra ta encera cria di Abeha. Aki Johnny Falconi a percura pa tur e alumnonan cu tabata bishita e seccion aki

keda bon informa. Por a mira cahanan di abeha cu abehan- an bibo aden hunto cu algun otro potret y instrumentonan con pa atende cu Abeha a hala hopi atencion cerca e alumnonan. Asina e muchanan por haya un bista tambe con e abehanan aki ta reproduci- te cu ta yega na e Reina. Den e presentacion akinan por a mira cuanto y cua ta e dife- rente abehanan cu tin y con pa distingui esakinan. Den un otro klas tabata tin e otro presentacion cu ta e Molina di Biento y Posnan di Awa dushi. Aki Ludwig Rasmijn y Randy Maduro a percura pa esaki. Dunando un splicacion di e importancia di e molina y pakico e awa tabata wordo uza.


Cada dies minuut tabata tin cambio di klas cuminsando cu klasnan 4, 5 y 6 y despues sigui pa klasnan 1, 2, y 3 pa tur klas por a haya e oportunidad di bishita e dos seccionnan di Santa Rosa. Asina klasnan a keda cambia y a continua te cu 12:45 di merdia. Santa Rosa ta formando parti hopi special di Pais Aruba pa loka ta trata sector primario. Hopi ta esunan cu awendia ta hopi mas consciente di e importan- cia di nos Departamento di Agricultura, Cria y Pesca. Pa e motibo ey pa varios aña caba scolnan rond di Aruba tambe ta mirando esaki debi na e invitacionnan cu Santa Rosa ta ricibi pa duna un of otro presentacion. □




**Mutts**




**6 Chix**



**Blondie**




**Mother Goose & Grimm**



**Baby Blues**



**Zits**



**Conceptis Sudoku**

9	6			2		8
5	8			4		7
	7	2		1	6	
		4	5	2		
8	4			6		9
	5	1		3	4	
	7			5		
8		5	1	3		2
6						1

Difficulty Level ★★★ 3/19

Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

Yesterday's puzzle answer

8	6	4	1	5	9	3	2	7
5	2	1	7	6	3	9	8	4
7	9	3	2	4	8	5	1	6
6	5	9	4	3	2	8	7	1
1	4	7	9	8	5	6	3	2
2	3	8	6	1	7	4	9	5
3	8	2	5	7	6	1	4	9
9	1	6	3	2	4	7	5	8
4	7	5	8	9	1	2	6	3

**ACROSS**

- 1 Response to a corny joke
- 6 Keep \_\_\_ on; watch closely
- 10 \_\_\_ for; requests
- 14 State of uncertainty
- 15 Follow orders
- 16 Gather crops
- 17 Lopsided
- 18 Astros or Reds
- 19 Toy with a tail
- 20 Blow-by-blow, as a report
- 22 Shamelessly bold
- 24 Use a \_\_\_ lens; get a close-up shot
- 25 Occurring most immediately
- 26 Greek capital
- 29 Cabbage Patch Kids & Barbies
- 30 Fraternity letter
- 31 Hombre's title
- 33 Very willing
- 37 Placid
- 39 Makes angry
- 41 Keep for later
- 42 Animal pelts
- 44 Mysterious
- 46 Chess pieces
- 47 Eyeglasses, for short
- 49 Present, but not active
- 51 Rocket, for one
- 54 Circle dance of Israel
- 55 Set on fire
- 56 Portabello or shitake
- 60 Get away
- 61 Grumpy person
- 63 Make amends
- 64 Enemies
- 65 Burial place
- 66 Knocked down, as a building
- 67 Type; variety
- 68 Remain
- 69 Lock of hair

**DOWN**

- 1 Pleased
- 2 Ceremony
- 3 Fail to include
- 4 On fire
- 5 Ideas
- 6 Tribal pole
- 7 In the sack
- 8 \_\_\_ Arthur; star of "Maude"
- 9 Status \_\_\_; sign of prestige
- 10 Bill Clinton's state of birth
- 11 Grab
- 12 Middleton and Mulgrew
- 13 Used up
- 21 Booby prize winner
- 23 Actor's part
- 25 More irritated
- 26 Curved beam overhead
- 27 Bangkok native
- 28 Have in hand
- 29 Robert and his wife Elizabeth
- 32 Female relative
- 34 Parcheesi or Monopoly
- 35 Smooth; level
- 36 Landlord's pay

1	2	3	4	5	6	7	8	9	10	11	12	13
14					15						16	
17					18						19	
20					21			22	23			
					24				25			
26	27	28						29				
30				31	32				33	34	35	36
37			38			39			40		41	
42				43					44		45	46
									47	48		
51	52	53							54			
55									56			
60											63	
64											66	
67											69	

Created by Jacqueline E. Mathews 3/19/14

**Tuesday's Puzzle Solved**

CAPE	ASNER	ATOP										
OWED	ITALY	DONE										
CANS	LIP	SERVICE										
AYE	PINE	OILER										
	THINK	PAS										
SARONG	FOREST											
AMASS	BALES	TOE										
RITE	FILET	FROM										
AGE	FATED	REALM										
	ODIOUS	GURTSY										
	NIX	MILNE										
CROSS	RACE	GIT										
LEGITIMATE	HIDE											
EARS	REPEL	ISLE										
FRET	ENTRY	STEM										

(c) 2014 Tribune Content Agency, LLC All Rights Reserved. 3/19/14

- 38 Sloppiest
- 40 Fodder towers
- 43 BBQ rod
- 45 Aviator Amelia
- 48 Votes in
- 50 Reason for teeth cleaning
- 51 Offends
- 52 Home made of snow
- 53 Smile derisively
- 54 Wife's mate
- 56 Family member
- 57 Seep out
- 58 Small bills
- 59 Prescriptions, for short
- 62 Deteriorate



# Festival un canto pa Aruba tawata grandi y bunita



**ORANJESTAD** —Un tremendo evento und a diferente participante ta aporta na nos cultura y principalmente duna amor na nos dia nacional esta dia di himno y bandera, esaki ta un bunita festival cu ta un canto pa nos himno y bandera und a Sra Jeanedy Semeleer a sali ganadora di e tremendo actividad aki pa categoria grandi.  
2. Jelissa Croes; 3. FCCA  
4. Hilyanne; 5. Jerino. Den hubenil di 1 Kiziah Trimon, di dos Franksije Vos, di 3 Jonatan Croes.  
E festival aki tawata hopi bunita y elegante und a hopi hende por a disfruta di un tremendo anochi tanto diabierna, diasabra y diadomingo. □

